

晚晴籟詩匯

第二八册

晚晴彞詩匯卷七十一目錄

劉綸 十首

潘安禮 一首

諸錦 十六首

于振 一首

杭世駿 四十五首

楊度汪 一首

陳兆崙 十七首

劉藻 六首

沈廷芳 四首

陳士璠 二首

齊召南 十三首

周長發 六首

朱荃 二首

張漢 三首

晚晴笈詩匯卷七十一

徐世昌

劉綸字晉涵號繩庵武進人諸生乾隆丙辰召試博學鴻詞授編修官至文淵閣大學士贈太子太傅諡文

定有繩庵內外集

詩話文定家本善闕力學敦行舉鴻詞第一致位宰輔風度端謹與諸城劉文正同在政地負一時清望人稱南北劉中堂以擬明之三楊居憂歸里不乘輿名東不作大字尤廉介至老無第宅後人賃屋以居初試日賦題五六天地之中合口未午最先就張文和監試取其卷朗誦以式多士詩題山雞舞鏡世傳關字韻羣推其工雅茲從集中得其全篇錄此詩曰爍旋開寶匣詎辨編窺奩尙憶寒潭上拂綬還疑夕照間似擬投林齊散職可能對語便關關風翻錦翼才飄袂日映花冠更整鬢垂手婆娑矜獨立回身綽約喜雙攀七鞏縱說當筵易百疊應知赴拍觀此日遷鶯同出谷當時介雉共棲山稻粱不分爭先啄似棘何心梅久賒虛翠乍交宮樹色空花徐蹴苑苔虛

形語彙言部卷一
月明漫繞依枝鵲雪滿徒迴失素鵬
冰鑑倚容長耀采微翎雖倦豈知還

窩集行恭和聖製元韻

一髮無崇岡一掌無大陸美哉洵吉林得地皆灌木木生
太古閱世頻有若鼻祖見耳孫號爲窩集鉅細別茲山絕
特尤離羣傍厓誰闢土囊口巨靈前驅五丁後密蔭翩疑
鸞鶴停繆枝瘦似蛟蛇走爾時霜氣渲紅青倪黃小橐無
能名又如擁塗萬旂燾靈威護輦良可徵清音上度迦陵
鳥遙光下發岱輿草脫葉羅疎訝雨花馬頭亂點人爭道
虛翠沾衣不知處蒼荀優曇本無樹兩九日月東復西溟
濛一炁惟仙霧春秋八千孰推此眾香國擬無遮比不材
木植何有鄉大海微漚能著幾就中松塔多離奇巍巍七
級知誰爲盡斫根柯求粟粒落實棄材奚取斯出山共詫

鬚眉清袖中謾謾天風聲佳境目食苦難寫齷齪空慚拾
橡行

曉行恭和聖製元韻

黃纛舒舒送曉晴鷓亭高下辨初程風前馬意歸途熟雪
後山容客眼橫半塢綠陰新樹暗三竿紅日遠帘明扈游
物色真如畫畫裏還教覓句行

唐時回銅器恭和聖製元韻

高衡敦高廣槃匱回部初通紀范時今日爲收甌脫兆當
年或賽蹠林遺兩言已可雷紘辨九譯猶難鏤錯知效畫
應同帝青鉢俘餘金像薄車師

題惠山僧明中湖干送別畫

南游不得意秋色滿湖濱別袂千衰柳歸帆一斷雲山僧

新粉墨倦客舊知聞誰付性公法鑪灰換夕熏

撲滿

瞻其腹絨其口上如覆盎下如日匪卮而漏餅而守小兒
寶之比錢藪使我空囊日見醜瘦妻笑撲手急爲小兒剖
今日餒餽餽飪百不有他日逡巡與耶試取酒漢鋸前唐
甌後肖物干茲得八九那知周廟間欹器垂銘久格人元
龜甯爾咎且待朝來廩餼關恣爾高擎畫叉走

望縣山

落日在馬首山色青縣縣上有禁煙樹下有旌善田五蛇
一乾腊明信夫何愆遺榮怨未平矯時或過焉我欲望南
山徑路抑已偏我欲望北山猿鶴還可憐不才愧持祿文
身以貪天振策遵前途空歌招隱篇

折柳歌送從叔穰滕先生之粵東幕

折柳復折柳，柳凍不成條。埃亭風雪斷，行跡何來一騎隨。
盤雕前年蜀岡今，海徼有家如寓還。空倚到門空博兒女
笑，慳囊不救長嘯號。袖中漫滅貴人刺，嫁衣辛苦酬知交。
校勘曾從流內選，選人持牒騰呵嘲。搖頭聳肩服詩械之
才，豈合供僉曹僉曹未得求幕僚。廡下愬愬重打包，我聞
羅浮之山足仙種。麻姑五色裙飄飄，又聞合江之門富嘉
樹。玉奴雪肌開絳綃，先生壓裝鈔長物壯游萬里收吟瓢。
趙尉叢臺已砂磔，虞卿別苑仍蓬蒿。韓公蘇公不可作，殘
碑剩碣留爬搔。依人自古無特操，履屐喜伴仙人喬。
時與

王麗三明府借行

惠州飽飯洵可樂，蠶船試采珠孃謠。

浮漚篇同宗室塞曉亭閣學賦

銅虬咽清晝驟雨鳴濺濺攬衣循廣墀寂照生寒煙乍疑
玉女箭當窗逞駢闐旋訝鮫妾珠入掌爭蟬聯因風倏變
現幻影相賁緣我聞香海潮迴一彈指三山浮動驚頑仙
以無明故作水觀晝空得界成中邊本來無受詎有觸物
間之物圓間圓針鋒粟顆絕思議印可未得知聞懸妙手
煩公碎虛白覆杯滌盡劫堂甄晶簾高軸玉壺淨照座但
有真如篇

王文成斷碑硯歌

談兵早佩威甯劍謫官獨抱端明硯端明匪硯是斷碑割
剩天邊紫雲片十二字餘墨妙詩節角依然露生面丞哉
丞哉定誰負鏘名鈴印相矜銜蠻煙瘴雨久沈霾重捫十
指精神見乃知古之學道人定力非關出研鍊君不見江

岸衣冠匿影過幾曾寥廓扞虞羅厥後大功潰成九華坐
聞召卽至回譴訶此時此硯百徧憑摩挲想當下南昌檄
書快意蠲宿疴及其歸陽明語錄微指醒羣魔而於學道
之人一一若無預儒林將相史策空分科何來高第弟子
入室還操戈逆闔固無論張桂庸足苛只合攜持二松四
槐日對哦請因公硯質疑義石不可轉墨可磨

柳色次英夢堂卽席元韻

嫩蘂塵看淨業銷栖鴉憶賦最柔條卅年人老尊前酒一
月春賒陌上簫山水清音公自領煙霞錮疾我應饒歸途
驄馬隨司隸獨苦頭風氣不驕

潘安禮字立夫號東山南城人雍正丁未進士歷官刑
部員外郎降太常寺典簿乾隆丙辰召試博學鴻詞

明詩彙編卷之十一
授編修遷左諭德有東山草堂集

乙卯歲暮遣興

僂指爲郎近十年當關紙尾浩如煙流光青鏡驚霜鬢素業緇塵委石田只合巢書消二六敢誇奏牘滿三千山公題目增顏甲策鈍新添勸學篇

諸錦字襄七號草廬秀水人雍正甲辰進士官金華教授乾隆丙辰召試博學鴻詞授檢討歷官左春坊左贊善有絳跼閣詩彙

詩話草廬博學好古勤蒐者舊著作輯浙人詩凡十二册題曰國朝風雅法悟門謂其作詩好徵典如白

日午不到清齋人獨醒二句則居然王孟之遺

讀孟郊詩

東野窮不徹五十得一官行吟狎簿書出郭不整冠咸池

三百篇風景擢古肝或言層冰清亦謂萬松乾我疑蒼龍
精颯颯照匣寒

南天竺三生石

疎竹雨添翠遠峯秋更青來尋石門礪未識香林亭白日
午不到清齋人獨醒葛洪有丹井乞取問修齡

積雨

幾日不行小徑微牆上綠徧莓苔衣已涼枕簟坐無寐瞥
見草中螢火飛

吳儂結宅臨江濱買魚論斗酒論斤昨夜水添剛一尺網
魚沽酒請比鄰

水中閣閣私蝦蟇巢底翻翻飢老鴉高荷大芋聽來厭愁
滴芭蕉燭影斜

周梅墟墓

白苧村中處土廬梅花繞屋最扶疎
襄陽耆舊曾偕隱元晏先生但貯書
早韭晚菘誰料理悲風宿草動歛歔
鹿門題跋華亭讀畫像惟留孫雪居

鄭谷口八分書

谷口鄭氏書何奇以心喻手手自隨
天機所到忘蛇夔夔尾蕤葉飄雲
旗有龍矯矯掀之而高堂晝寒噓風
雷山頭鸚鵡奮欲飛墮下仙翻紛體體

太學釋褐觀石鼓因讀韓蘇二詩同
同年李巨州作一百韻

京城高言言首善惟太學雍正二年冬
循例初釋麴陳君三百輩奠幣森有恪
祭酒王先生紹新端拱容毋作紆紳

冠峩峩逢掖謝表褻堵牆橋門列觀聽動飛躍文翁圖禮
殿方此猶寂寞朝旭射棠梨清光蔭松柏稽古觀車服遺
跡懷履舄琬琰堂塗碑肉好宗廟璧瑚簋籩豆登尊罍彝
洗濯灑離鼓馨巢簞籜筴筍爪目鱗之而牙羽荀簾業
摩挲鼎鼐滄古鏤金錯忽于重檐下十鼓煥丹腹其形
像古礎其色類深墨其圍倍膚寸其修崇二尺其一列中
央半體不覆幕有如無足錡左右曾采芼其九互行列耦
俱善標格有如瞿容客貫坐慰離索宛虹尾卷舒瓊樹柯
連屬鸞鳳騫復留虎駁怒欲脫鐵絲妙紫盤蓴菜垂絡繹
活師戲食水肥遺出渾夕疎如屯千騎密不容一髮不可
意減增諸天方丈室不能評肥瘦豐肌細腰匹長短本自
然足鳧與脛鶴東西兩得勢越阡兼度陌百幅百磚磔一

字一謙帛治水已淪胥吉日付飄泊衛州銅盤傾延陵墓
碣剝詛楚復何有宣和空寶惜獨此表中興大蒐深刻石
瓊瑋誰鑄辭傳是史籀作尙想周宣王功德南海薄江漢
常武詩車攻六月什仲山以袞補方叔以亂撥張仲善孝
友吉甫詩孔碩程伯整六師召公洽四國載誦鴻雁篇度
比金玉式勳勞宜有頌貞珉代典籍不有秦嶧山野火焚
石闕德薄其文慚合爲天所撲誰夫證斤權毆忝太穿鑿
薺堂斷宇文如以瞽手摸叩槃捫燭見考據都未確詞嚴
不可刪風味加質慙轉注潘鄭薛其書愈噩噩區區君庶
柳何足窮狀貌表之自蘇勗得韓乃煜燐宛陵倍雷硯眉
山益恢廓我思昌黎翁所見僅紙拓闌風長雨夜豐草深
榛藉疲行人坐尻掉尾牛礪角蝸涎腥點點原燎炎熇熇

鼓兮獨無恙倘有神物護鳳翔收餘慶五代更流落賴有
司馬池大廟十駝橐南渡委草菅鉤金棄若若道園端好
古收拾絲纏玃大厦廣與庇石闌周與絡椎搨所不到講
切手磨琢入門探古物疑義發先覺鼓兮何淒涼顯晦亦
凡數譬如清流濟湫見至綿邈譬如延平劍會合固如昨
星霜更幾劫靜正抱蹇諤顛蹶任羸劉聚散無主客菁英
不銷亡著述欣有託名世五百年皇帝億萬朔河鼓正吐
芒九鼎飛出洛天苞與地符諸福休徵各豈止翺翺鳴岐
山一鷲驚風雲際時會喜起昇平樂文德書鍾彝武事鏘
鉦鐃征伐表鉞旄蒐獮樹山嶽文章稱爾雅訓詞汰糟粕
深厚追典誥詰曲妙咀嚼莫以鼓不鳴試取蜀桐斲叩之
定有聲淵淵配韶濩我衰筆力退分量不自度畫墁媿平

生鏤冰笑一握生涯甘冷淡委順忘美惡行書類蛇蚓喜
愠付鴉鵲夙昔慕韓蘇兩詩比瓊玉韓如受降城高堅絕
繩削銳師一昔至唾手鷲鶴捉投蓋懸布勇匹馬隻輪掠
依方立硬寨健筆誰敢搦蘇如大洋海溟渤猶灑灑迴瀾
吹紫氣坐見蓬瀛卓鉅若蛟龍吞眇若蝦蟹獨不害其洪
流盛氣不可轢捧心龕效顰快意過獵較誰云寶燕石祇
可自娛樂劉侏作封事三日雪漠漠微詩遜才壯寄語李
百藥斗轉纔三更瞻仰雲漢倬

誄字

義農巢燧几遽時結繩龕設民恬熙爰有蒼頡字以孳蚪
薤籀篆開邈斯偏旁點畫瀟淋漓象形轉注隨時施離者
使合合者離奇者使耦耦者奇鄰里配合各有宜插以齒

作以之而或喜而笑愁而悲上薄雲漢下泉達內自宮壺
達四夷保氏擅人象胥司連綴以文屬以辭六經不敝爲
世持鴻濛九天雲下垂佐以志史公無私日月所燭無蔽
虧外則子集精華摛如江淮河有析支名山金匱柱下披
天府聖域琳宮碑金銀珠玉漆踰麋光明相好無瑕疵威
如彤庭肅冠儀鏗如孔壁鳴金絲雄如百獸懾神獅麗如
春花逞媚姿健如游龍來委蛇凝如帝釋天人師偉哉正
正兼奇奇一或失所逢百罹蟲鼠剝齧刀筆遺水火木石
金銷治離析身首嚼膚肌臧獲苞苴孩穉嬉錯莫銷蝕無
光曦遇非其耦災棗梨一唱百和交相啗幽光闕過人莫
知眼明未及沙鷗鷁有聲夜中淚漣洏激爲電雹風雷馳
光怪閃爍飄雲旗叩虛責有如嗟咨我爲敷衽前陳詞造

物培覆功不尸，倭成倭毀，喜愠誰魂，氣恂悅無不之碩儒。
良史實在茲背而馳之悔，莫追鄙倍調佞不可爲，亟旋面
目，揚須眉羣分類聚，無磷緇高墳三尺，體魄綏我作汝，誅
梯交頤骨肉歸復生，有滋斗魁戴筐連尾箕爛爲星辰拱
帝堦。

望嶽

天開地闢鬱鴻濛，作鎮河山大小東。絕頂搏風須九萬，崇
朝出雨徧虛空。高標衡華嵩恆上，世閱齊秦漢魏雄。南望
羣峯爭絡繹，一如江漢識朝宗。

宋故宮梅石歌

芙蓉石一枚，又藍瑛圖梅影石壁，今志館開局在此。

華陽宮成狄難起，壽山艮岳溝中委。海棠龍柏摧爲薪，絳
桃垂楊半成杞。二蔡二惇未厭亂，厲階誰生勗。父子崩騰

靖康互絡繹淒涼南渡開基陟傷心細柳與新蒲滿眼殘
山兼剩水六百餘年過故宮尙存一片青芙蓉梅花蝕盡
空餘影劫殘曉月凌霜冬零星石柱見古礎榱桷枯樹舍
悲風冥冥黑水青楓道杜鵑嗥兮山鬼笑青城寥廓雪窖
深一枝冰玉同誰照冬青陵攢已無樹蒼梧路長不知處
惟有長編纂輯餘一抔義士懷終古瑛乎瑛乎吾語汝所
南之蘭已無土石不能言花解語

暑退坐月

火龍杳不知何處遺卻領間一顆珠掛向碧虛探不得老
夫胸次在冰壺

聽客談武夷山之勝

傳說錢鏐王子騫賓雲遺構落人間乾魚漢祀何年始遺

蛻巖阿不可攀，權轉菜瓜葵。六曲徑無蛇，虎雉三斑祇應借我虹橋板。左摘星辰右控鸞。

隆興寺大佛長歌

像治銅爲之長七十有三尺臂四十一有二架閣三層週遭轉梯而上

滄師子定窳堵波，并此菩薩稱峩峩。七十三尺軀不矧層，
枕傑閣俯委蛇橫睇。三晉并兩河，彷彿蔥嶺來蓬婆。此寺
經自開皇，馭周顯德毀像亦蹉龍興。龍藏知無他，隋張公
禮書不磨我朝。聖祖揮天戈，大書隆興抵孽窠。上覆棟
宇下蟠躄，豐碑御製乾隆哦。維佛之國金接莎，四八之相
高峨嵯。曾聞梵夾毗舍婆，由旬二十五更過漢嘉彌勒夫。
如何鑿山千尺信，可詫新昌吳越崇。釋迦萬家膏血助無
那，哀哉下民死枉瘞。藥义鬼母鴛，嘔魔毒灼臙。剗刑孽癩
有臆難對張口，吐離生別死。哭鬢皤鮑出不遇人爲犧啖。

人之賊虎牙剛至聖中國生人痾雉離兔脫寐無吡坤德

何故鍾幺麼仁哉太守勇番番

謂卽墨郭公廷翁

繡衣侍御立諫

坡

謂桐城方公世雋

天子可奏馳傳騶汝臂六七母陀羅大威神

力抉象駝彼吞黃小如蝦贏孰提孰出孰撫摩孰取弊人

擣雷嗟孰取赤子完錫綱孰窮溺惡焚編嗟孰披寨穴清

江沱神獅一吼毛脫鷲木夫士伯強于難驅囚繫度索山

阿蒼蒼薄薄平不頗天下有道由庚歌北極祝粟南牂牁

遠行不煩吉日賊手中不勞持斧柯熙哺作息言無訛慈

悲大雄同一科不爾便合薤身邁顛踣死喪亦孔多杳煙

熏染唯媿嬰天寒燒取不用訶

青芝塢弔鮑西岡墓

聯吟官廨勞羅箋十月分司寄惠泉

令嘉興日蒙致羅文箋惠山泉水

身

後幽宮原得所當時采地鮑家田

墓傳吳越相
鮑慶臣采地

叫羣孤鴈嗷嗷北拂面清風習習南誰寫詩人循吏墓巉巖一片表無慙

于振字鶴泉金壇人雍正癸卯一甲一名進士授修撰改行人乾隆丙辰召試博學鴻詞授編修歷官侍讀學士

隨扈東巡盛京

雉堞崢嶸杳靄間睿謀握勝控雄關南臨渤海兼遼海東接松山與杏山應運功成遺壘在太平日久戍樓閒卽今雞犬桑麻地饗蜡吹幽自往還

杭世駿字大宗號荃浦仁和人雍正甲辰舉人乾隆丙辰召試博學鴻詞授編修有道古堂集

王蘭泉曰堇浦先生入翰林未久卽以言事罷歸沈
文憲公送之有句云鄉翁旣雨談牆築新婦初婚議
竈炊蓋深惜之旣歸益肆力於詩古文詞海涵地負
日光玉潔實足以雄長藝林兩浙文人自黃梨洲先
生後全謝山庶常及先生而已袁子才曰堇浦先
生詩以嶺南集爲生平極盛之作題陳元孝遺像五
首悲涼雄壯恐非樊榭寶意所能吳退庵曰堇浦正
己酉壬子乙卯三科鄉試聘鄰省舉人同考堇浦曾
充福建壬子同考官旣入詞館校勘武英殿書籍纂
修三禮義疏會下詔求直言遂疏陳四事下吏議落
職後迎駕湖上賜復原官高廟巡塞外嘗於馬上
微吟含風葦露清于染過雨山痕淡似詩二句願謂
從臣曰此杭世駿詩也先生於詩用功深
嘗曰吾遇韓杜當北面東坡則兄事之
詩話堇浦才力雄贍著述最富旁及繪事蕭穆疎粹
獲咎還過津門查蓮坡贈之詩云致身直是忘新進
得罪終蒙宥小臣晚自號秦亭老民欲補金史嘗構
亭曰補史袁簡齋挽詩云橫衝一老談天口生就千
秋數典才其題獨漉像五首今嶺南集
未收殆梁山舟刻集時有所避忌刪之

雨過淨慈寺契原山堂聽嶺雲上人彈琴

蕭條杪樾林一雨轉清絕穎師淨名室孤影澹行迹稜稜

木葉衣瘦翫遮不沒餘事出聲聞結想渺林樾散作一指
禪觸響動超忽七條泠泠絃不與山水隔晚花萎無香幽
徑豔還滅天高風露澄戒縛破枯寂潭潭木石心鉤撥見
古拙老猿躡月聽遙峯墮空碧

送同年金姓之東昌

相守無歡悰送子走馬去青棗不著花纂纂在高樹赤心
持奉子將子尙無吐布褐有石交簪帶少肺附神明旣不
關歡譁又何助陳人負屯骨握鑿定溝沓薄植期前修鴛
足切遐慕回首一蹉跌萬事歎錯迕期子金石堅欽子文
章富惜子遠行邁鬱勃發奇趣鵲山秋在朝華不秋在暮
朝暮鵲華間秋色眉稜度灑詞搜清寒渺渺澹思慮維予
磚瓦姿礫砢擲霜露誰能不雕厲輾轉自耽誤誦子厯下

詩得陰雨恐懼潘生龍無近情此意或可語玄米良以艱
寄食豈容屢久羈童僕疑習見親暱敦九十月之交余亦
奮南翥

酬丁處士餞送江口

娟娟隔岸山厯厯臨江樹搖搖獨客心漠漠沙洲渡褰裳
送行舟勞子遠來赴去住各艱辛川涂莽回互征僑嗟不
逢芳華悵遲暮了思良會難始省初心誤紆威入晚煙不
辨煙中路飢禽解笑人投老去邱墓

越秀山懷古

峩峩越秀山千古閱興替臺隍夷夏交月表秦楚際緬維
老夫佻荆棘此翦薙中原方逐鹿兵甲惜勞弊從容得闢
疆屈彊遂稱帝帶海爲藩維草山作屏蔽不知漢廣大頗

侍兵鋒銳卓哉陸大夫一語豁蒙瞶稱臣請內屬蹶起解
椎髻朝臺壓闔閭奕世永帶礪牝晨誤遠圖煽處乏調劑
戈船下牂牁一往失重閉險設釁可乘時衰力能制始知
開國人貶損有深計清朝息金革曠宇喜開霽秋風吹餘
花孤客恣幽憩日落樹盤鴉潮來城上蠣江天雨蒼茫俯
仰供流涕岩巖腐史筆憑弔落荒裔

中宿峽

江流無直波造化妙融結凝此秋一灣知幾翠屏折叢蘆
窈然青危石蠢爾凸豈愁頑蛟蹲到寺漸奔泄羣峰密構
接高蹠忽踏裂虹梁軼天半壘石補空缺千夫挽長莖哀
過嘸猿切迢迢孤蓬眠況有萬里別

大廟峽

亭午泊中宿已信江路陜斜陽弄矚黃迤入大廟峽澗澗
幾派衝巖嶮兩峰夾橫厓窺客舟仰首黑雲壓頗疑蛟龍
宮石柱顛倒插怪石巧遮攔層遞儼置岡緣坡被菅茅過
嶺叫鷓鴣冬江風景殊喜值我來恰舟師仄足行背纜貼
山脇捷如倒飲猿肩臂自相接須臾下平岡出險才一霎
平生慕飛仙焉得終日挾

滇陽峽

滇水從西來苦被山勢縛兩厓峙蒼深巨石互綿絡猛力
不得騁出坎仍踣躡縱橫漫晴沙漸復展肩膊坡陀排劍
鋒十步九岓嶸豈煩靈胡劈頗費鬼斧削川涂信知艱妙
景本不惡盤渦篙力微轉瞬幾錯愕驚波濺蓬窗因險轉
得樂慢魂久始甯且就沙際泊

彈子磯

數峰卧未起一峰蹶然興團團斂珠規激激經玉繩遂令
一卷石乃得彈子稱堅刃削積鐵壁立不可升刻畫出眾
纖細路生榛芳壓江始訝黑窺艦俄愁崩輕揉不敢踏何
況摩霄鷹晨機凌浩渺萬象資憑陵擡頭憚險艱履薄增
淩兢卧思飛仙才興至何難登袖中蚪蚪字拏攫工鑄磨
諦觀仍蕩蕩大笑同蒼蠅

城南紀游

崇聖院

香林曲抱流竹戶畫常闔枯磻一竹橫清陰萬竿納行逢
幽鳥喚徑屢黃葉踏古柏兩離立蒼色照壞衲植根忠孝
王厯八百腹臘孤筠倚檐空忍草到階合瘦句傳惠洪餘

韻尙繞榻緬懷締造初辛苦把茅搭佛髻不受塵禪枝穩
棲鴿寒煙冒蔬畦不礙野花雜溇然梵唱清鄰磬遠相答
斜陽一揮手路轉見佛塔

梵天寺

佛塔在何許斗折厯墮坻蜿蜒活筆鋟一卷陀羅尼刺天
交屹峙拔地兩岫奇牆匡秋井塌靈鰻無人知復從壞殿
壁摸認青蘿碑詮詩沒榛莽坡韻亦塵緇尋僧縱逸步銜
冷茶煙遲窺顏鏡元鏡亂葉堆荒陂癡龍睡不醒恍惚泉
眼移蒼涼催晚色周覽悽心脾山靈不留人颯爽飄微颺
丹黃忽送望奔赴恐後時

三一菴

後時夫何憂望收身亦到沿緣委巷窮四顧絕鄰保石泉

活眼碧漾漾舞寒藻初從下界看樓閣在林杪澀磴詰屈
穿封徑有密篠肅然天風來低拜石壇掃丈室涵孤清撫
檻縱遐討了了江上山落日銜更好晷短興逾高惜景寸
心悄咄哉葛長庚可惜先我老造興既未能流眄曷云少
迢迢江路長健欲約歸鳥

過趙一情用東坡梁左藏會飲傳國博家韻

巖巖酒陣朝飛檄免瓊雞缸紛不一敬容殘客罷周旋特
敕當關脫名籍筵前碁槩鎮相娛絕勝彎弧掣鳴鏑橫窗
秋色弄幽姿疑有花魂呼欲出爲憐十指費詮排相遣雙
螯破岑寂別瑤秀句寫懽悰歸詠聲應出金石

峽山寺

江行屈折不知里今朝眞到峽山趾屏風幾疊列門前彷彿

佛飛來靈鷲似黃茅苦竹紛瓏犀牛潭水清若空舍舟
徑穿側岸入大樹櫺爽搖天風山靈知我愛佳眺導入三
門轉清奧山暉堂界二禹祠帝子仙成顏尙少振衣攬攬
凌危臺數峰倒影風吹開綠蘿胃壁飛鳥絕枯蘚滿洞清
猿哀玉龍蜿蜒下峻阪蒼雪彌天晝疑晚尋源更渡流香
橋猛見飛流破巖壺崢嶸激響簷鐸暗心魂灑濯毛髮森
孤亭諒少熱客借絕壑疑有蒼龍吟誰遣晶簾遮岫幌拖
落天紳一千丈跳珠濺沫不肯休要使多生首頻仰老僧
對我長眉青花宮寂寞春長扃君不見勞勞塵世少仙骨
難將常語酬山靈

羚羊峽歌

羚羊峽峙端江潯山高高兮水深深山高不見眾木搖櫺

慘但見哀猿跳擲嘯愁靈水深不見碧浪橫鱸鱓但見戲
子擯落椀澗涿佛圖仙觀亦何有遠自太古春悵悵扁舟
乘曉沂空闊支頤太息收孤衾桂以膏自煎象以齒自燻
含珠遭攄大璞剖金錢截尾摧文禽如神巧匠出鄉里日
思推刃眞難謀是誰作俯石製研墨海酣飽金壺斟金星
石末採未足鼉磯雀瓦紛搜尋遠從洮河近黃海劓掘已
徧青霄岑蠻荒也復破天巧靈胡高掌穿元露磨刀霍霍
刺石髓東西坑洞窮雕鏝丁丁逸響徹天外十里如奏邱
中琴分肌擘理恣剜剔譬剖孕腹觀懷袞漱淘水府挾
戶山靈含痛愁悲吟腰經絕入大壑底累夕不獲瞻辰參
雲腴累百不得一癢痕餘潤猶滲淫花青蕉白火輪赤重
之無異雙南金雲中不少大手筆助寫仙篆抒靈襟惜哉

無緣伴子墨輦送九陌娛朝簪我聞地有三千六百軸輻
輳相湊支嶽崱玲瓏瘦骨露豁間驚濤擊撞洪淋淋猛伐
劇愁地脈絕頽然阨落誰能任嗚呼申甫不世出安知愛
道非天心瘋山封水古有禁孰能入告披丹枕聖朝寶人
不寶石深劔巖壁垂來今猙獠鬼斧不敢劈眞官卧守防
關臨茲山稍得蘇元氣膚寸雲出蒸甘霖金烏跋其陽寒
兔蹲其陰沐浴日月發光怪定能爲國生璆琳歸眞返樸
有至理耕耒安穩弭災祲皇帝聖壽一萬歲遠與高峽永
永無虧侵

胡三應瑞愛皋亭山水有結廬之願詩以堅之

君如買宅皋亭住須種梅花三百樹樹裏茅堂樹外橋杖
策寒香襲衣履春殘葉大轉陰濃雨過苔黏更盤互鄰叟

彤閣詩話卷之十一
來傳補竹方幽禽喚與尋山路煙鐘際暝答村春漁火沿
流破溪霧眼前好景畫難眞身外良圖計非誤瓜皮艇小
載琴來相訪柴門月初吐

汲泉日日招僧籬煎茶掃葉秋可娛西林傲傲響涼雨夾
岸瑟瑟搖青蘆長歌權入藕花去廿里卽是臨平湖湖外
家家秔稻足況有魚蠅兼菱菰長年飽飯一無事不愧識
字耕田夫桃源已迷盤谷迴投老舍此安歸乎看君決計
入寥廓黃鶴攬攬雲間呼

春雨書事用寇忠愍韻

一徑濛濛地端居感寸心亂飄魚火失寒逐野塘深雲闊
迷新樹巖低匿暝禽明朝阻幽興無分策疏林

黃木灣望浴日亭

遙下舟中拜心儀浴日亭曦光終古白海氣一重青鳥立
旌麾肅龍歸草樹腥山川眞浩蕩愁望轉怙惺

題陳元孝遺象

南村晉處士汐社宋遺民湖海歸來客乾坤定後身竹堂
吟暮雨山鬼哭蕭晨莫向匡門去霜風正撲人

秋井苔花漬荒廬蜃氣蒸飛潛兩難問憂患況相仍拄策
非關老裁衣祇學僧淒涼懷古意豈是屈梁能

巢覆仍完卵皇天本至公蓼莪篇久廢蔽蔽採應空劫已
歸龍漢家猶祭鬼雄等身遺著在泉下告而翁

嶺海論風雅平生一瓣香曉音動巖壑幽意到羲皇掩卷
驚波定停杯落日黃清高仰遺象肅拜涕霑裳

袁粲能無傳嵇康亦有兒古人誰汝匹信史豈吾欺寂寞

那蘭集言匯卷一十一
徒看畫蒼涼祇益詩懷賢兼論世淒絕卷還時

同籍有戍遣之事寄詩奉慰

來日何當歎大難生全須信主恩寬三千磧道黃花古一
兩輪蹶素裁寒去國定知無勝餞破家豈爲愛微官東西
南北惟君使好作王程戴斗看

出國門作

西風涼入袷衣輕似促羈人出鳳城雁隔斷雲聯遠陣馬
衝殘月帶班聲湖山待我看秋色驛路從頭問舊名稍喜
漸能除妄想仁祠還證古先生

塵漲都亭失翠微一行風柳撲人飛蝶將曬午先垂翅荷
爲延秋早褪衣七載舊游程可按卅年壯志事全違窮檐
肯負名山業史稟還堪證昔非

書燉煌集後寄顧行人之珽三水

指掌西陲聚米圖巖疆版築集烝徒天開勅勒穹廬遠地
拓瓜沙戍壘孤雞寒夢寒飛錦段雁關烽息闕金符冰霜
詩句賢勞績補入燉煌實錄無

大竿嶺

盪胸力抵江風大雲護行纏上杳冥納日危岡收晚翠倚
天孤障入遙青一竿高下中分界七建回盤此作經九百
江關方厯盡暫拋筇杖拜山靈

送趙一清南歸

此去猶乘薄笨車霜淒風急渺愁予耦耕舊約詞空費作
伴還鄉願又虛淮楚流亡方輾轉江湖耆舊幾乘除平生
一段懷人意爲爾臨歧雪涕書

贈金觀察志章

江上銀濤滾滾催草堂剛對曲江開橫襟坐攬千峰秀放
筆平添萬壑哀海國蒼茫徵故蹟霸圖銷歇出驚才城南
不少豪韓愈眼見低頭下拜來

謂朱樟范肇新
丁敬諸宿老

兩鎮雄藩控制長防秋千騎繞邊牆龍門山遠開天險馬
市臺高壓大荒霜戟曉連沙草白蜺旌晴捲塞塵黃風生
坐嘯尋常事難得威棱愴朔方

卅載論交洽紀羣瓣香心奉豈徒云狂來我就批鱗集

宋張

景文有批鱗
集五十篇歸去公傳誓墓文海內清流餘幾輩尊前明
月止三分相逢不用歌難老細嚼黃花話舊聞

梅嶺

絕險誰教一綫通雄關橫截嶺西東攬天路迴盤蛇細拔

地峰奇去雁空戍草亂侵蕭勃墨陣雲遙墮尉陀宮荒祠
一拜張丞相疏鑿眞能邁禹功

秋日獨上五層樓望海

千級層梯宛轉過浮雲棲棟下承阿樓船瀨水思楊僕黃
屋蠻荒笑尉陀蜃氣三春侵畫堞駟夷百戰息瑯戈茫茫
漲海東南去極目天涯涕淚多

拱北樓

蕩蕩雙門勢鬱盤危樓直北拱長安蓮花轉漏銅龍咽雲
葉棲簷鐵鳳寒萬里行完初放眼九秋悲後獨憑闌朱明
氣象眉霄迴可許孤臣絲筆干

鬱孤臺

丹楓匝岸雙江麗峻嶺環川萬戶開汗漫偶爲乘躋客蒼

涼獨上鬱孤臺層樓飛鳥縈煙度大壑驚濤輾石來漠漠
天風滿歸路旋螺門巷半蒿萊

沙口守潮

撥火微微雨推蓬靜候潮春風斤竹色吹綠過沙腰

沂州道中憶故園梅信

買得梅花手自栽清嚴標格共徘徊荒城古驛人千里一
段生香拗不來

吾家十笏小禪龕清境迢迢夢亦諳底事冰魂斷消息更
無天氣似江南

禹城

鄉人沈君師穎方
罷官一孫頗賢

小市塵稀眼纈明一街寒日築毬聲故人傳說休官處冷
騎蕭蕭過禹城

秋雨

曉起屏山掩畫螺驚風有意撼槐柯空階幾日苔痕合脫
葉飛來雨點多

雨橫風斜晝少歡茅堂高枕軸簾看平階溝水潛通壑鳥
下喧濤更較寒

巖扉過雨發寒皴石色蒼涼不見人偶向翠廊閒倚拍兩
枝紅蓼漾秋鱗

題嚴光傳後

堅卧難教姓氏埋至今巖瀨有高臺若爲不著羊裘釣更
有何人物色來

一卷尙書受業新買驢給費劇艱辛盧江尙有韓同舍只
說先生是故人

明倫彙編 家範典 卷一百一十一
三
楊度汪字勛齋無錫人拔貢乾隆丙辰召試博學鴻詞
授庶吉士改德興知縣有雲逗樓集

鐵柱宮

旌陽遺象肅琳宮瞻謁森然劍氣雄一自蛟龍馴海底便
攜雞犬向雲中神仙不藉還丹力忠孝甯隨浩劫終咫尺
上清靈寶地綠章赤牒總無功

陳兆崙字星齋號句山錢塘人雍正庚戌進士官中書
乾隆丙辰召試博學鴻詞授檢討厯官太僕寺卿有
紫竹山房集

王蘭泉曰星齋先生咸進士後重入宏詞游登鄉寺
侍直上書房兼尹京兆而意致蕭散寢處輒有山澤
間意書法蘭亭取意簡遠梁侍講同書云本朝不
以書名而書必傳者陳文簡公元龍及先生也
詩話星齋久奉屬車多矢音進御之作尤詳於塞上
掌故其論詩有云文生於情而文足以達情者莫過

於詩言情之詩又莫善於近體篇祇五十餘字境窄
則難以旋身韻忌用險怪字少則難以副意有能
稱意以出旋身自如而又兼節奏之妙如古之作者
落落不過數人七言律之難如此又云凡爲文初屬
稟不能無病要在病
自割愛治而去之耳

送定北軍出居庸關馬上作

天下九塞此雄北過此回頭望北極駝山虎峪雪初消絕
少丸泥唯亂石亂石荒荒非一形面目敬傾不可識奇鬼
側出不慚醜困獸前奔忽回倨憶到洪鑪鑄物初工成於
此投沙礫無心作壘壘以成付與王公資守國居庸秦置
漢軍都百戰千秋爭失得誰知在德不在險斷碣寒苔半
銷蝕聖朝威德統中外萬里窮荒猶戶闕沿邊蕃部逐行
商驅馬鞭羊出復入那用堆金講市臺免教番上防秋檄
休養蒼生百十年皞皞熙熙忘帝力天驕悖慢從古有軒

后爰勤三駕迹長鯨歸骨遺孽存青海雖殲首未獲前年

葦帚出金方近見莎車叩漢壁堂堂天宇大包荒豈得關

門謝窮客又況廟勝洞幽遠一弛一張詎易測征西定北

分兩道見北知西威燁赫燕山超距上飛梯

謂勇健營

東海虛

弦落過翼

謂索倫

細路盤盤不方軌貫魚唯唯無淹刻韜鋒

蓄銳靜人聲風旆星旗移曙色我生生計弄柔翰謬尹神

州殊忝職幸得初從壁上觀監護嚴程奉新勅欣茲節制

中古法據鞍默卜師行克丈夫五十不爲老髀肉空生增

歎息馬前霜雪馬後花兒女之言休嘖嘖

馬後桃花馬前雪出關爭得不

回頭康熙中
詩人徐某句

雪獵

兩絲夜散霜風鳴和門送駕曉正晴宿雲未收旋勃興吹

作一色連山橫。矯首上界浩冥冥。思入圍合隨飛。雲帝循
璐達游玉京。琪瑤辟塵光英英。浙浙瀝瀝疑可聽。烏呼獸
噪多寒聲。三山素禽來高陵。翩然白鳳率以行。天龍曼衍
過福庭。鱗間領下分光平。寒兔抱杵奔圓靈。娥阿留影昨
夜經。冰柱四合瑰峻。嶒詭形殊狀。覩未曾。銀章皓羽雉與
麋。自昔誇瑞。今從輕。擇凶命處。閒量評。豹尾跋羣狐。扞
誰爲。侔色更揣。稱天子奇。怪別有情。麟仁駒義。皆告禎。對
時祝。網七字成。陽春和難。悚屏營。安得承詔如馬卿。王恭
謝莊。終腐生宮袍。霑透。猶未能。

白檀河過馬

檀州河水如奔雷。千山瀑漲爭盤迴。方舟渡人不渡馬。人
馬競渡聲喧。匝。伏飛射士逐鳧藻。羽林驍騎鞭龍媒。投空

撇波一以去嗟呀萬輩河之隈善馬神閒翹足待駑馬氣
奪低頭催常馬辟易不計里驕馬偃蹇頻來回圍人或不
諳馬性願公無渡少徘徊沙頭赤立者誰子塞下勇健伊
爲魁自言百錢過兩馬青銅吾寶金如灰予銀不受日不識也解鞍
付與蹇共眇雙挽尾鬣相排推口瀆灑潏巨魚避足蹴霜
雪洪濤開六尺無從辨腹脊雙尖未沒時駭鬼有如流沙
自天產貳師拔劍驅銜枚又如牛渚自地出神人執策左
把麾移時爬沙作蟾步倏爾騰上辭沿洄我馬經危猶股
慄何渠作氣殊未衰同人三兩並視此一笑便欲傾金鬣
洪鈞鑄物各有用蠢愚何必非良材馬倚此人如良造我
倚此馬猶與臺大川何嫌徑利涉人馬相得無相猜

重過玲瓏山同皇四子追和倪太僕敬堂韻

君不見木蘭北去路轉東有山不夜如燭龍倘逢西僧問
定是靈鷲峯任爾橫看側看光明同緬昔媧皇巧大圍羅
其胸補虛煉石有模范特留此式標元功又怪神禹迹不
受造物籠巨靈高掌竟未到異穴宛轉棲寒風盈盈玉女
下窺視醜醜山鬼難爲容匆匆還雲夜假宿皚皚陰雪夏
不融素娥纖纖凝黛淺扶桑拂拂懸規重白毫團團頂自
現新磨濯濯奩無封笙簧暗奏窈窕洞睨瑰立崇崇墉
條條刁刁噫氣噫閃閃爍爍中星中毛舉眾形似略盡光
矐矐請言其外郭妙與幻化通初從十里之外望突兀炯
若絳綃委蛻落照紅旋自遠而近岩若石梁南畔之偃松
霜零電打青茸茸委蛇黝糾兮生若象鼻舒鉤探束藁荒
涼寂歷兮僵若駝峯埋棘驚仙翁侵尋當面正明目誅若

天關外敵中有宮六甲飛符疑可致五丁神力眞毋庸卑
莫若鳥道陋莫若蠶叢方當王驅此選勝高張三面凌星
虹因虛其一霍若獸決網可知人事變化侔天工舊傳爲長城遺蹟御製有詩辨其非是蓋天造云前時過此一題句強爲吳語誇吳儂憶
君長篇忽有會濡毫雪幕猶簾櫳時維九月月旣望波羅
葉赤逾江楓椽樹或名波羅僧機圖是其本號神堯肇錫曰玲瓏
喜從馬上得險趣回頭笑煞扶衰笻

趙北口題壁

鐵馬金戈迹久陳昇平時節物同春兒終廝養無奇策客
似相如亦賤臣比屋老漁閒挂網拾樵邨媪競擔薪從教
風日耐高樹合遣餘溫拂陳鱗

送蔡葛山少司寇告養歸漳浦

迢遙江路白華明，歸思匆匆減別情。燕子翼乾秋社節，嬰

兒風落刺桐城。

風自震出之名

三峯對酒迎春氣，甘載孤眠聽漏

聲。

壽山留眷屬侍母垂廿餘年

賸有故衣珍重，在綫痕密密似臨行。

南天門

嶺路千尋一綫環，沿緣石角緩躋攀。登高宋使孤煙散，唱
凱遼師倦羽還。袖底風翻星漢水，馬前笏插塞門山。我來
平世家中外，不覺行經虎豹關。

古北口題驛壁卽贈吳提戎宜齋

疊鎖重關鞏上都，媧皇削出嶽靈扶。氣吞漠野連天盡，足
蹴潮河望海趨。直北雲黃屯圈馬，出口五十里地名馬圈子迤西月黑
控飛狐。據鞍頗牧今能用，卧護猶應勝壯夫。宜齋時年八十有二

出哨

博帶褻衣出木蘭

恭靖噴御製詩有和門侍立漢九卿裏衣博帶帶誠儒生相如作賦爾應能

回

頭未覺賦才難要將七字欺淫麗大獵王庭侍可汗

諸蕃王皆

侍獵相如雖大言豈能及此竊謂只此足壓倒一篇

塞下柳

木蘭少見楊柳八九月中葉脫殆盡亦不能辨其何樹也出哨日見殘柳餘綠輒生歡喜

蓋一砦之氣候不同如此及入關則彌望青青雖飛葉如絮而萬縷拖拋風流未改是又迥異乎關外矣適有感興為長言嗟歎之

一例秋深落更殘獨饒春意豈無端龍鍾雙袖西風路駐

馬攀條仔細看

青瑣門前一兩行飄蕭墜葉拂衣裳未妨人比秋娘老賸

粉殘膏也自香

折盡高枝與亞枝江潭悽惻早秋時只因易得翻無况要

在關山笛裏吹

悲喜關心物換形細思吾亦偶然經何人此會爲遷客腸
斷紅橋暮雨青

波羅莫林止頓二日得卽事斷句

往者兩經陪扈皆
有詠虎長篇今則

殺虎較多而事亦奇每欲自和前韻裁提管歷魔
輒至甚矣吾衰也上果於服猛二月中凡虎觸
圍無得脫者其毛色或黃或黑或雜黃黑如灰者
老而最黠其見殺獲或吞喉刺胸或先攻折其前
距或焚膏熏穴出之或乘其食鹿未竟或母虎以
身蔽其子母先子殪殺之具或以槍或以矢或以
徒手有小虎從僕幕前過修尾巨顛半响跳去或
曰豹也腰脊有黑點如碧甸子大小此豈在對山
圍外驚而逸出者耶因思此問鹿羣富有泉甘草
肥自非聖朝威德及遠詎能空其牙帳而有之哉
撮舉成章聊以志事蒙古
語波羅莫林譯言青鳥也

黑章黃質老山隈千載哀牢再奪胎斜日和門生氣索腥
風猶自逐人來

護兒惡獸有心肝脅挾堪憐欲脫難石趙竟能戕阿鐵漫

將名姓與同看

單于獻地空游牧滿谷牛羊化鹿羣不是獵圍秋一舉枉
教大福擁山君

枯龜骨相百無能橫帳居然枕碧層見說小空來白晝自
疑禪榻坐高僧

劉藻初名玉麟字麟兆號蘇村荷澤人雍正丙午舉人

乾隆丙辰召試博學鴻詞授檢討官至雲貴總督有

渡江集

詩話蘇村督雲貴值用兵緬甸贊畫未得當裕陵
以書生未諳軍旅不深責之第左授巡撫蘇村未聞
命遽引佩刀自劉

瓜洲

落日瓜洲泊春風貼水平片帆揚子渡疎雨潤州城客路

鶯花晚漁村竹樹清大觀樓好在遙對大江明

惠山用東坡和王武陵竇羣朱宿三詩韻

維楫無錫城彌望煙雲蒼遙指惠山界鬱鬱復堂堂故人
具樽酒扁舟如鳧翔菱荷浮秋色帆檣逗山光漸出蒹葭
外霏微聞妙香夙昔林泉興到此不能忘

言入惠山寺不見寺中人石徑松鱗古玉螿泉流新清瘦
森毛骨水石相磨磷酌彼一泓乳滌我萬斛塵散步得勝
概意氣凌高旻澹然忘身世邈與泰初鄰

捫蘿陟東堂空庭布修樾山外午炊熟巖際鐘聲絕颯然
風雨來雲水互明滅那能信宿留夜煮寒泉月爲歎歲月
促逝者如弩發誰是激流人一訪煙霞轍

秦淮

一道秦淮水長橋覓舊蹤無邊衰柳院不盡夕陽鐘人去
三秋夜客逢十月冬空聞船上笛欲訪竟何從

十六日

去歲皇華驛板輿將母歸五更村市月一飯故山薇信寄
江梅報身隨海燕飛又當簫鼓夜千里望庭闈

沈廷芳字椒園仁和人乾隆丙辰召試博學鴻詞授庶

吉士由編修歷官山東按察使有隱拙齋集

詩話椒園爲查氏外孫少受詩於初白詠秋夜云薄
病閒身坐小亭鄉心三度見流螢水雲涼到庭前樹
一夜秋聲帶雨聽極賞之以父宰文昌坐事戍甯夏
歲往省視極行役之苦嘗有詩云秋生紅豆辭南園
春到青銅赴朔方青銅塞上山也又云雲影有心隨
望眼淚痕和綫上征衣後事方望溪爲古文所作一
準繩墨無
顯蹟之累

甲申四月朔重游鼓山

春光三月駛嵐翠萬重深選勝得清境相於採遠岑瀑飛
分練影籟發和龍吟卻憶殘秋日登高豁朗襟

飲杭大宗丁香花下

墊枝花又垂垂發走馬來看笑退之綺席乍鋪賓不速瓊
英相對酒嫌遲香生斜日溫風候開占春深夏淺時爲報
流鶯傳好語玉堂景色勝前期

題侯元經天姥圖次胡稚威韻

曦光真同赴壑蛇身墮塵海無津涯名山之約十年負清
游空縈白鼻駟夢魂忽忽到天姥山耶雲耶路半遮雲衣
逢逢化黃鶴山陂疊疊披青霞野水無人起光怪匹練旋
見金背蟻天門詖蕩迴鸞車卻入迳徑多書花涼風蕭蕭
吹我醒檐前松月枝橫斜晨坐孤亭依樹杪庭宇窅深客

來少諸翁囊手提一燈畫開言首道侯生好吾知生也天
下才奇崛文章冰雪抱卽觀此圖見性靈塵壒難侵空翠
繞峭然坐我天姥下對之恨未識生早野鹿山麋本寡儔
兩心契合堪絕倒丹梯百丈凌清都福地洞天何處無與
生久客胡爲乎驚沙眯目時模糊生旣居山與山別卧游
日日攜此圖盍學叔起且遠去持竿大澤隨鷗鷺不然思
報信陵恩慷慨夷門法乃祖我惜時無眞豪雄愛才詎少
昌黎公筆搖五嶽那終窮肯豔春碧輕秋紅麻鞋亦登天
子殿仙骨自到蓬萊官他時卻恐置身崑閩頂回望天姥
一氣青濛濛

送趙漢忠進士歸常熟兼柬次山前輩

喜君歸卧年方艾廿六年間客帝城一第艱於孟東野高

文欲準漢西京尙湖雪淨村如畫虞麓春來地可耕若過
閉門王侍御道余頻感別離情

陳士璠字魯章號魯齋又號泉亭錢塘人乾隆丙辰召
試博學鴻詞授庶吉士改戶部主事歷官瑞州知府
有夢碧軒詩鈔

詩話魯齋廉而狷工醫官戶曹時貴有以醫召者謝
不往坐是淹滯十年始得調詩初擬三唐晚乃出入
白蘇黃陸直抒胸臆而自具風格

山行

紆曲疑無路蒼茫別有天橋欹藤蔓絡磴斷草痕連嘯鳥
破山雨落花香澗泉風塵慚俗吏徙倚暮雲邊

蜀江

順流直下瑞陽城盪槳橫溪自在行楊柳如煙春似夢落

花時節近清明

齊召南字次風號瓊臺晚號息園天台人雍正己酉副

貢乾隆丙辰召試博學鴻詞授庶吉士散館授檢討

官至禮部右侍郎有寶綸堂詩鈔

詩話次風侍郎博學強記於書無所不讀詩特其餘事耳阮文達云作詩之道不可不本諸學問侍郎之詩不必盡見其學而論學問者轉可以侍郎之詩見之其詩皆沈博絕麗宏偉秀彥非山澤之隴可比蓋所積者厚故流者光也

題畫用康樂道路憶山中韻

繡壁濺羣瀑合飛勢漸緩水口迴層巒峭削如岸斷茅茨
四五家籬落曲以款幽人此間住好風滌煩懣桃源理或
然奧區事非誕繞徑柳毵毵依牆棗纂纂接筒引流長疊
石架橋短孤亭當翠微脩竹森千笥遠岫靄微嵐鳴禽樂

暄暖飄飄擲琴客巾屨亦閒散問渠胡不彈清音勝絲管

新昌道中

窈窕溪山畫不如行游況值雁來初霜前隴色開茅屋煙
外春聲度筍輿竹筧引泉分雪灌麥畦梯壁帶雲鋤劉門
道是劉郎宅風物真疑漢代餘

赤城猶在碧峰南曉霧渾疑夢裏探難得天雞呼海日但
看風竹寫空潭煙霞枕席人千古鐘鼓晨昏佛一龕應笑
郵亭迎過客勞勞來去幾停驂

山陰

鏡中看竹樹人地總神仙白玉長隄路烏蓬小畫船有山
多拖壑無水不連天朝暮分南北風猶感昔賢

繞門山

疇謂天工奇人巧亦不讓君看繞門山峭壁列屏嶂厥初
本崕嶮斲出生面斲採伐窮日夜骨立神愈旺危崖高天
欹側厂層雲傍山腹藏堂皇外郭兀相向彭觥斧鑿聲數
里因風颺響應連四山萬和隨一倡盤旋螺文中含胡振
罌盎俄驚大聲起雷硯劇雄壯丁丁遠可聞砰訇近偏忘
小橋遞彎環舟行過其上依稀彭蠡口窾坎鳴巨浪金奏
在窟室人面朝青嶂峽束神禹開池護吳王葬樑欏想石
城剪刀移雁蕩屈曲繞垣牆莓苔添色相新痕冰雪伴舊
痕圖畫伉風日所薰蒸霖雨幾滌盪遂令受采質丹黃寫
萬狀老松冠其巔華蓋鬱在望下有竹千竿森森立兵仗
村居皆石屋老幼總良匠自古仰衣食山故無盡藏造徧
越中廬埋徧越中壑道路樂平坦綽楔睹高亢脰削豈有

涯勝概彌難量安知百年餘不作吼山樣願語同舟客斯游亦云暢美酒旣以沾手杯且莫放

除夕前一夜齋宿起居注館燃燭校書有述

度歲猶多斗粟儲雙清心跡稱齋居來分祿閣青藜火細照瓊函綠字書潑水寒衾經雪後如雷春爆定更初何人此夕還開卷積習平生笑未除

松吹書堂歌爲杭堇浦賦

大松拔地千丈強怪松偃蹇如人長老松根幹半化石喬松鬢鬣蛟龍翔穉松尙是百年物千株萬株環草堂黛雲影翻白日黑朱夏氣轉清秋涼刁刁調調天風作一片靈籟騰空蒼崑崙鸞應嶰谷鳳凌虛流響非笙簧瀕谷節奏本噫氣元和鼓盪成文章太古之雷無霹靂黃鍾之管含

初陽軒於洞庭張廣樂牙來海上愁混茫風琴恍忽變清
操總合大雅殊淫傷草堂主人天下士撐胸拄腹經與史
礪礪共笑和長輿爽健端如李元禮眼中那有桃李顏門
前洗盡箏琶耳日就松陰閒徒倚讀破萬卷讀未已砍節
然膏五夜過取枝作籌千徧記著述自足豪古今況占西
湖好山水每聽謾謾獨欣然客來驚問何爲爾興公貞白
性所喜得意忘言堪舉似三四年來幽興隔長安僦屋囂
近市徒寄夢寤游故園夢迴又逐雞鳴起八磚影候花廳
趨萬壑聲閒圖畫裏手持素紙索我歌爲我研墨拂塵几
我披圖畫幾徘徊我家老屋傍瓊臺碧海霞映赤城曉芙
蓉花插青天開國清十里鎖煙霧石梁三樹凌崔嵬此皆
自昔紀仙佛漢柏唐槐行輩推鱗甲之而森搏攫羽毛整

頓舞瑤璣畢宏張環畫不到色兼紫翠凝錦苔飽聞咸漢
廿餘載對此還作家山瀟灑無點埃日日車馬胡
爲哉蟹眼鎔熟若一杯君思武林我天台

花朝值春分節慎齋先生招同金琢章

相錢勉耘

誠張南華

鵬翮

三前輩胡雲持

天游

王濟川

會汾

兩同年及令弟晴川禮部

土隨

集承露堂次南華

韻

半春囊筆走東華時典朝衣付酒家折簡忽煩前輩字插
解初見數枝花談深玉局翻仙譜渴想金莖試露芽應爲
主人吹律暖玳簾開處燕飛斜

芳樽端不負花朝共有心情望古遙元解千言揮麈尾新
詩幾束比牛腰自緣春事思江閣因畫名山問石橋布鞞

青鞵行料理翦鐙重與話清宵

春日山行

木杪開青澗巖跟出綺村
梯田高接屋碓水曲侵門
芝草蟠雲葉松花漲兩痕
若將漁棹入甯異武陵源
石勢趨丹壑鐘聲隱翠微
穿雲籬筍直帶露藥苗肥
香麝游樵徑春鋤立釣磯
正看農務急閒客亦來稀

濟甯南池杜工部新祠詩爲沈椒園同年作

太白酒樓何破磯
檻前坐見千檣過
南池故是少陵蹟
可憐野水環陂陀
記我年前步池上
正逢泥滑愁雙鞵
東嶽之雲羃列岫
城隅溝洫成黃河
高槐疏柳半臨水
人家戶外聯扁舸
今年十月重到此
忽覺勝概清羅羅
池隄既類綵虹偃
池水亦似青銅磨
幡幡老樹雜新樹
葉雖落盡留

枝柯三間瓦屋照寒日門榜高揭字擘窠問誰爲此祀工
部座斲山骨陳象犧守祠老人說顛末昔歲使者來仁和
東陽裔孫癖好古南池百度停驂驕歎息杜公舊游地無
人構屋理則那捐金誅茅闢荒穢架木築土成槃邁高齋
西蜀非一處此添東郡新行窩伐石刻詩置兩壁俾傳久
遠期無他雜時落成值孟夏花葉旖旎紛芰荷瑤觴進拜
巫屢舞蒲牢殷地磨靈鼉彷彿鄭公出小隊林間絡驛鳴
珠珂風湍水檻映冠蓋一州人士來奔波共詫草堂得壯
觀竟與酒樓齊業峩瘦容骨立尙戴笠無乃飯顛還譏阿
我知沈侯有深意非爲閒眺鑄頰苛風騷以降作者眾大
海詎計蚌與螺有唐獨見兩夫子光燄萬丈爭羲娥囊括
百家奮鉅筆俯視餘子眞么麼況論忠愛出肺腑詩仙又

世所系言面卷一
三
遜詩王多流離渾忘身凍餓但愁海宇森干戈萬間廣廈
豈虛語得志應起生民疴篇篇立意追大雅不止逸藻媿
汨羅稷契心期合俎豆便私所好原非阿精神千載倘記
憶應招太白同吟哦當時嗜酒今得地官河酒旆馳輕艇
岱山迢迢拱戶牖朝霞朗對朱顏醜堪笑主簿附享祀姓
許名字知誰何沈侯沈侯好文墨眼見醉草迎神歌他年
有客考古蹟定撫碑刻千摩挲

潞河秋風行送萬三葆青歸宜興

潞河一夜吹秋風岸沙飛走旋轉蓬蒲帆百尺挂大舸我
友萬子歸江東萬子江東何所住云占林泉最幽處荆溪
一嶼明玻璃影寫銅官萬行樹正趁橙黃橘綠時鱸魚入
膾伴蓴絲初脫朝衫理游棹秋來何地不相宜但惜聲名

滿天下一時史筆推班馬竟將著作老名山握別人人淚
盈把萬子胸中故浩然早看富貴等雲煙諸公歎息何爲
者我自鄉園樂靜便家藏鄴架高連屋自來三徑留松菊
尙書清德好詒謀愛坐林邊課耕讀古稱有子萬事足佳
兒況是連城玉卽今十歲吟鳳凰館閣耆儒多刮目此日
攜兒向潞河一船明月照詩多歸去荆溪如見憶莫忘尺
素來京國

周長發字蘭坡號石帆浙江山陰人雍正甲辰進士改
庶吉士授廣昌知縣乾隆丙辰召試博學鴻詞授檢
討歷官侍講學士有賜書堂詩集

詩話石帆詩才敏捷會賦覺生寺大鐘
歌應制稱旨有和蘇詩百餘首已散佚

玉女峯

甫越明星峯探奇尙有意玉女啟瓊窗亭亭在天際桃花
駐丹顏到老未憔悴何以葆厥眞眾妙通元祕我生入塵
網應爲羣仙棄偶爾雲中游超然霞外寄松竹作笙簧恍
如天樂沸攜手五龍君且學希夷睡

過縉雲縣

瀑布灑面吹涼風亂山一綫通人蹤低頭偏仄入崖谷惟
見峽猿石鼠叫號騰擲攀虯松嶂迴礮絕十步九顧疑無
路浮嵐杳靄春濛濛劈開縣門兩扇窄疑是鬼遣非人工
更見殘碑斷碣埋沒荒榛下漫漶字畫難蝕窮自笑一官
類么麼天遣墮落層巖中身鄰虎豹踏蛇蟒青磷黑箐蜀
道之難將毋同飢驅眞覺性命賤又東五百里入馮夷宮

春日寄家兄懷鳴

自惜春如水無人慰索居鶯花將盡日兄弟幾行書方朔
飢猶耐維摩病未除鐘聲長樂起鄉夢尙遽遽

女郎廟

纔逾子午谷又過女郎祠水折縈蠶尾山深叫畫眉無情
雲去遠有恨月來遲誰奏迎神曲靈風滿桂旗

故城

暮鴉接翅月黃昏雉堞荒涼葉打門無復雄關屯虎旅卻
從秋草送烏孫戍樓基在空旗影畫角聲沈斷客魂醉尉
不須嚴夜禁故將軍有幾人存

蒲州晤項芝亭司馬

判袂東華一賦詩微雲如黛影離離河聲蒲坂迎珂馬山
色中條對畫旗秋館夢尋欵幘地春風車過卸鐙時棠陰

到處聞輿誦不待逢人說項斯

朱荃字子年號香南桐鄉人乾隆丁巳補試博學鴻詞
授庶吉士散館授編修有香南詩鈔

湖上送家兄入都

幽鳥喚春春又闌六橋煙柳簇征鞍客途再到悲歡異樽
酒相逢去住難五夜雞聲驚昨夢連朝花信破輕寒停鞭
不盡蟬聯語回首高城夕照殘

放榜之前夕示諸分校

珠沈海底費搜羅深夜然犀照碧波寄語羣公高著眼青
衫明日淚痕多

張漢字月槎石屏人康熙癸巳進士改庶吉士授檢討
遷河南知府乾隆丁巳補試博學鴻詞復授檢討遷

御史

詩話月榭守河南行縣過宜陽有甘棠樹因補植棠
十三本以存古蹟一時題詩甚眾既罷歸復舉大科
重入詞館年七十餘矣改諱謙乞歸鄉稱威
爲序送行稱其夷直茂厚過中州士大夫云

秋夜

煙深卧閣草凝愁冷夢驚回幾度秋
懸壁四山雲上下隔簾一水月沈浮
翩翩影落飛鴻雁皎皎光寒靜斗牛
前路客歸螢點點邊城夜火似星流

張南華庶子進春林澹蒔圖題六絕句其上御製用韻賜題徵詩紀榮遇仍用原韻

錄二

拜領宸章雲漢垂喜瞻文采動堯眉
春城佳氣氤氳裏侍史承恩對闕時

羨君好句似唐求溫語如春出鳳樓
我有賜書無賜硯自

須染翰就轉頭

晚晴蓂詩匯卷七十一終

晚晴移詩匯卷七十二目錄

胡天游 三十四首

李錯 十三首

屈復 十首

查禮 十九首

張鳳孫 四首

沈彤 六首

陳黃中 二首

程廷祚 二首

馬日琯 五首

馬日璐 二首

易宗瀛 二首

易宗浚 二首

陳景中 二首

晚晴篋詩匯卷七十二

徐世昌

胡天游榜姓方一名騃字雲持一字稚威浙江山陰人

副貢乾隆丙辰舉博學鴻詞己巳舉經學有石笥山

房集

齊次風曰曩者詞科之設海內徵士二百餘人畢集
京師才學各有專長而言詩文工且敏者磊落擅奇
下筆縱橫矯挺不屑屑常襲故雄聲環瑋足與古
作者角力必首推山陰胡子稚威及召試疾發卽藁
筆出士論惜之又十餘歲詔舉經學公卿以稚威薦
九列中有忌者沮之以是終不遇又數歲客死山西
其古文自喜特甚桐城方苞爲古文有重名力議之
至也然自王士禛朱彝尊詩文徧推其疵病無完者
前夫如王士禛朱彝尊詩文徧推其疵病無完者
絕涯淡窮筆蹟而爲之好爲魁紀公家數險澀陷整
笥簡荒厓碣得認一字羣儒相揖而賀

詩話雅威才名爲丙辰徵士之冠奇情逸藻才與學相濟而成包安吳論其文謂機括在乎換成言節助字雖屬知言而不足以盡之詩則古體取運韓孟以窺杜陵之奧近體七律導源玉鑿思力風骨俱勝在雍乾間故應俯視流輩

秋日作

蟋蟀語中宵凄切不肯休
微物爾何知亦與時節謀
雖未入牀下已復在戶陬
似道寒氣深催人理衣裘
嗟哉無襦客破葛懸牀頭
高歌但竟日晏默何所求

秋尋陽明洞遂登羣峯

越人誇越山山不懸別州心
膽歷塵泥尺步封鴻溝
勇腳攀元寥圖環躡刀頭
盡剖大腹壯橫得孤眼
收俯海沈嶼玲策日旁逗
留溪招白鶴風柁鼓元氣
舟詫歷天外事恍惚亦不
愁焉知腥霧中擾擾蟲蛆
浮青城蜀丈人偃蹇羣

岳趨會稽佐誰命貳雄炎祝儲元氣韜鬪氣嚙出爭闡如
尙蒲山中人不轡名勢車石屋蹲蝦蟆關偶無兩俱洞天
碧浮浮浮浮鎖匏壺壺中無雜仙仙仙殊壞都一氣何是
非未肯忘秦吳野僧枯杉紋鱗石龕猿狙飛羅七條衣蕨
鉢饑麕茹安知從來客攬雲抱香鑪完樸餘一巢庶以鄰
太初

送秦涇幼湜歸邵陽

相士常苦衣相馬常苦肥古來豈不然勿謂今更非秦士
焚舟來超乘爭騰希自許一戰霸空振千鈞機仍將片葉
身遠向灞岸歸灞陵夜半雪南山奪光輝勾芒遲遲春倉
庚鳴不違浮雲浩茫茫安知所從依謾謾秋樹林下有雙
石扉逸竹闕青火亦足忘寒饑去矣勿歎嗟各自從風飛

溧陽公於城西祠禱雨卽次展候因徧游齋院中

靈祠抗龍首崇覆凝丹堊森壁寒霧姿嚴旂振風魄柏寢
鬱疑沈煙楹轉成積國崇表威虔年祥寄明職誠軌諒斯
臻鴻羊緬猶陟間房香林外一磬通幽跡曙鳥散餘喧無
人深草色由來闕宮邃荃宰勞蠲幅中谷已云憂周原沛
應惜望望西郊遠稍稍重林迆涼緒結疎條亭臯虛靄白
庶幾及旋軫展眺收清滌

秋夜松吹書堂作呈堇浦翰林

悄然孤松夜不起虛堂聲淒從主人心颺籟含瓊鳴空濤
洗白月天地呈溲清有言不爲秋焉能爽神明有文不爲
金焉能鏗華英君子壁四陲永世刊俗情燈光豔紅花波
浪沄沄生素琴雖未張可以聽和平

將登華岳

州九岳登四時落古人後奔迫塵埃際舉動礙樊圃放意
知何投萬仞俯遙宙心胸稱豁達蛙黽失戰鬪憶昨龍爲
年日月會龍虬屐屐凌泰山頂回瞰浩難究海日積微金凍
瀑點清漏置身鴻濛前真氣入膚腠問天嬾搔頭唯有青
質質客途時方窮忘願饑餓救痛哭時一發狂疾如愈灸
風吹馬耳疾久換面目瘦翔翔二十載盡計祇成謬鬼神
多絆攬世事靳相授豈無登臨富奇偉足自儗華山此家
也功德終古奏三峯不到地引手入吾彀思從造其巔畢
覽著懷袖乾坤白顛顛一世藏隘陋整身理筋骨懸鐵引
可操捷想下上間輕於挂猿狖

烈女李三行

大海何漫漫千年不能移泰山自言高精衛銜石飛朝見
精衛飛暮見精衛飛吐血填作壑一旦成路蹊豈惟成路
蹊崔嵬復崔嵬女面潔如玉女身濯如脂十四頗有餘十
五十六時嫵嬾環春風明月初徘徊門中姊與姑鄰舍雜
姥婆人笑女無聲人歡女長嘆昔昔重昔昔皴痛不得治
有似食大鯁禍喉連脅臍阿母喚不應步出中間閨女身
亦非狂女心亦非癡向母問阿爺阿爺誰所屍昨日門前
望裂眼甯忍窺爺仇意妍妍走馬東西街我無白楊刃鍛
作雙虹蛻磨我削葵刀三寸久在懷一心願與仇血肉相
齧讎仇人何陸梁挾隊健如犖前者爲饑狼後者爲怒豺
小雀抵黃鶴徒恐哺作靡大聲呼縣官縣官正龔蚩宛轉
太守府再三中丞司堂皇信威嚴戮卒森柴崖安知坐中

間一一梗與泥何由腐地骨鬼笑回牙欸孤小不識事聞
人說京師京師多貴官列坐省與臺頭上鐵柱冠獬廌當
胸栖獬廌角嶽嶽多望能矜哀局我頭上髮縫我當躬衣
手中何所將血帛斑爛絲帛上何所書繁霜慘濛埋細軀
誠艱難要當自防支女弱母所憐請毋毋攀持今便辭母
去出門去如遺是月仲冬節殺氣爭驕排層冰塞黃河急
霰穿毛錐大風簸天翻行人色成灰夜黑不見掌深林抱
枯枝三更叫鵓鵝四更嗥狐狸五更道上行躑躅增羸飢
舉頭望長安盤盤鳳皇陴下著十二門通洞縱橫開持我
帛上書驚我囊中袿跪伏御史府廷尉三重墀尙書幾幾
我嶽嶽唱騶歸頭上鐵柱冠獬廌當胸栖獬廌卽無角豈
與羣羊齊李女倚柱嘯白日凋精輝結怨彌中宵中宵盛

辛悲有地何博博有天何垂垂高城不爲崩高陵不爲隳
爲遣明府來明府來何遲長跪向明府淚落江東馳女今
千里還女憂終身罹女誠不敢給願官無見疑父冤信沈
沈沈沈痛無期一日但能爾井底生朝曦死父地下笑生
仇世中封願此弱賤軀甘從釜羹炊語中難成聲聲如繫
庖廩明府大嗟歎歎仍獻欬翻翻洞庭波洞庭非淵河
嶄嶄邛崃坂九折無險巖我今爲汝尸汝去行得知爺仇
意妍妍舉家忽驚摧勢似宿疹發驟劇無由醫同時惡少
年驅至如連雞銀鐙押領頭畢命填牢陞有馬空馬鞍永
別街西馮叩首謝明府搗骨難相貽昔爲羝乳兒今爲箭
還鞞遙遙望我里我屋荒蕪萊寡母倚門啼啼於杞梁妻
女去母啖柏啖柏今成飴雖則今成飴母悲轉難裁女顏

昔如玉女髮何邪
邪女口含朱丹女手垂春
莢哭泣親塵沙
面目餘癩剗宛宛
閨中存黛疾疑病
罷姑姊看女來簪
笄不及施鄰姥
看女來左右相呼
攜各各自流涕一
尺紛漣
泗鄰姥少別去
媒媪從容來三請
得見女殷勤致言
辭公子縣南居端
正無匹儕金銀列
兩廂纖紈不勝披
身當作官人華榮
灼房幃頗欲得賢
女賢女勝姜姬回
面答媒媪身實寒
且微無弟無長兄
老母心偎依所願
事力作澀指縫裙
鞵安得隨他人乖
違母恩慈母年風
中燈女命霜中葵
須臾母大病死父
相尋追棺槨安常
中起墳遂成堆一
一營事訖姑姊可
前來爲我喚長老
長老升堂階爲我
召鄉鄰鄉鄰麤如
圍十歲隨爺娘幼
小惟癡孩十五銜
沈冤灌鼻承醉醢
二十行報仇報仇
苦且危三年走大
梁趙

北燕南陲女行本無伴女止亦有規皎皎月光明不墮濁
水湄斑斑錦翼兒耿死安能翳自此旋入房重闔雙雙扉
朱繩八九尺挂向梁閒頽鮮鮮桂華樹華好亦何奇葳蕤
揚芳馨生在空中山隈烈火燒崑岡三日夜未衰大石屋言
言小石當連葦蕭芝泣蕙草萬族合一煤燒出白玉姿皎
雪寒皚皚玉以爲女墳將桂墳上栽夜有大星辰其光何
離離錯落桂樹下千年照容徽

游子

游子昔出門春暉猶未闌依依萱草花一步三迴還游子
今出門白日忽已寒高堂如舊時不見堂上顏羊腸盡繞
下堂路今日轉悲離別難

游子昔歸來歡迎倚閭色能於凍雪底引得春風直游子

今歸來華姿正徘徊春風若有淚獨勸游子揮不如天涯
無還期不見春風傷客時

同張明府泛五姓湖有懷真谷山長

百頃風漪當面起下馬就船三十里五月清涼無處尋赤
日青天歸淨洗主人好客復愛奇曉郭邀出臨空陂微茫
未辨野岸闊颯爽但信迴颿吹戛嵒駕槳船窗倚舟子鳧
雛相向喜曠觀不復礙波瀾幽思何如被蓮葦權入陂心
渺無極浮虛浮翠皆生白琉璃看作地上行翡翠來從浦
邊直裊裊融融動偏側陰插中條陂底黑倒入珊瑚盪陂
色朝暮西南煙霧積蔓牽藻荇平於席玉醪哀絲催轉劇
樂事貧窮喚打魚漁舟出沒捷若驅未知蛟龍有擾怒尺
尺失水觀須臾赤尾銀刀雜相送餽盤揮霍行鮮供日暮

跋深愁奈何杳冥忽驚波浪橫奔雷舉扇卻可麾鬼神有
意同清機雨飛知向何處黑鷺瞑悄立沙渚微舵樓傳鐘
崖寺暗嶺樹挂月高城輝扶醉歸來噴兩炬清景迴頭失
相遇少昊祠南煙草深忽憶春星醉邊聚有無變化也復
多抹眼人間飛電去

漢杜陵五鳳銅行燈槃歌

銘曰五鳳二年河東晉夫
山工友爲甘棠上林宮造

銅行燈槃重五斤奇二兩鄒學
士長安閱市得之要予作歌

并餞沈然滅火久風歌淪唱四方守祇憐舊夢去無迹尙
怪此槃今在手摩挲背面三反覆俯仰興衰一論取究觀
銘篆推甲子上逐金人爭老壽斑斑澤暗蠟痕熱帖帖寒
侵月華殼微微過雨潤生翠庚庚當几橫沈黝紋花蹙蹙
少紫綫蠻鼓琤琤殊夏卸故非山林記汲縣僅異款識書

元舅七葉天扶病已立五鳳盛繼元封舊闕中三月集鸞
鵲海內百戶歡牛酒薦嘉靈時合神鬼賜璽名王侍銖婁
屬車夜臨屬玉觀鹵簿春上池陽藪媿好姪娥持挾筆黃
門舍郎導先首熒煌炫轉燭天地熊虹輝煥迷宵晝頗哀
曾孫出襁褓甘絕屬籍蒙誅醜皇皇獄邸託胡組時時鬼
火吹陰差更無死灰然宿爨豈有餘光被幽柩買餅市門
徵博進鬪雞下杜驅畋狗歸來蒸榘自迴照幸免鑿壁增
嗤詬潛鱗忽然雷電激萬騎乍覺風雲走甘泉上林備物
御技巧工匠窮斤鏤華榮豹脂引裂缺寶炬螭蟠動蚴蟻
嗇夫初聞許廣漢作者近役山工友長懸日月照庭殿盡
擁星辰衛軒圍寶劍何年礪陵斤金椀相將發隴畝永辭
地市腸一斷散擲人間淚添垢柯摧帶折意誰惜轉絲迴

黃色空憫由來世事難度料略省人物同遭偶得時失時
易虎鼠翻手覆手奚思咎光輝早侍萬乘側流落豈計千
春後更尋轉徙餘歲月詎識完朽歸誰某往時舟彝紛錯
落遞閱年載遺十九風花水浪原不定游塵野馬終烏有
古人但恨不可望遺物聊憑吟在口殘釭暈喜燦紅語凍
硯呵寒僵禿帚不知呻喔唱黃雞已過關干傾北斗

萬泉歎

厚地無底不可穿掘井設尺空到千諸村百鄰共一渴雙
澗但遶孤城邊縣人已病耕土瘠縣名更似相欺得夏資
飲雨冬聚雪涸沐尙爲糜釜惜苦辛未蒙長官識轉苦迴
甘誰氣力安得抽刀刺疏勒

古柏行

柏狀久知天所恣勢到三株不容四依稀年向百歲時親
見唐家晉陽事左傾右跌兩無檢欲僵不僵自相險其一
正直不少貶鬼神偷撼更不敢鉅腹對剖或仰袒地力掣
拔遭醵鬻橫紐生銅作筋縷突乳銀砂簇癩癬黛乾翠禿
精靈富骨黝態沈情性儼莊周柳下殊介肆節意高古同
無忝廊廟之具屯始亨必論出處賢人貞久從濩落不自
惜呂牙五殺皆晚興雪飽霜酣慘遭際裂缺紛虹閃騰會
時棟終知應帝王奇材自古資天地公輸不來亦偶然灑
落自可全其天向來造物信難測抱巨用小徒迤邐祠前
泓湫有龍蟄夜深爪拽雷雨出黑雲沈侵髓香溼靈呵神
扶柏間立有無變化疑脫然萬古空山頓成失

賦得明妃三疊

明妃生照楚江清，豔比天邊明月明。
尙愁金屋汗仙骨，絕代豈爲呼韓生。
龍堆雪捲黃沙雨，偏著春風雙黛嫵。
定知造物惜紅顏，故使漂零擅千古。
君不見邯鄲人家施薄朱，暮倚市門朝佩珠。
可憐光采霸天下，何恨當年衛子夫。

明妃一顧已傾城，紫臺遠去轉娉婷。
鳴駝嘶馬雜羌語，夜夜朝朝那可聽。
天低海水西流處，獨有琵琶堪喚語。
斷絲枯木本無情，猶勝人心百千許。
幽怨聲聲解與傳，自憐意態驕神仙。
生不得當茂陵赤帝真，龍子乍可巫山峽月空。
嬋娟

明妃初向長門人，窈窕無心矜獨立。
自然動影迴春風，璠鬢薄洗巫雲濕。
六宮良家五陵子，容華多少誇桃李。
齊聲卻步稱第一，今朝爭爲甘心死。
婦人妒色恆自持，尙令忘

如前相悲如何瓌豔映海日近出珠櫳人不知以圖索馬
安有馬況是丹青不能畫畫師長安市上兒一生解貌東
家施黃金縱使不相責鄙人詎識天人姿昔疑漢妾今焉
支妾身分明不淚垂玉顏一爲他人得枉是千金莫贖時

昌平行

龍車羽衛無人使野父醜錢葬天子昌平吏目縞素來金
棺手扶歸地市哭聲是日山谷裂故主遺黎痛有此百年
事在隱爭傳豈有人問變青史殺機天發盜移國一夕鼎
湖龍墮尾公卿各矜降賊慣勸進轉多顏色喜恨恨何人
悲送故堪問金仙淚如水七月暗枯同軌目發喪詎省前
王禮畫虞祕器蒙露辱容車劍戶看已矣義抱伸歸喪亡
後怪字書徧乾坤徒萬古頽雲激雪霜一代諸陵見終始

號聞杜鵑偷再拜樹老冬青終不死昌平之行傷客心悲
風怒振蒼山起

三江牖

青天初破險白馬竟當秋眾水千年會重溟一氣收遠懷
秦太守高轉蜀江流疏鑿微茫外星辰永夜浮

晉陽

風景無并塞郊原得晉陽供人遺稻熟遮路棗槐香儉意
多諳俗持生各抱方翻思戎馬際自昔有飛揚

塞上秋日倡巫伎人集無近遠婆娑歌舞接朝夕合
唱悽動舊俗以地多戰死爲之賽祀吹響流感娛
殤魂慰厲怒祈保歲穀蓋餘風遺音至今

打鼓錦蛇斑翎花綵帶翽神絃秋樹裏青嶂國殤還歲得

虛疑定魂招祇未關婆娑自遺俗歌咽幾紅顏

塞上觀落日

落日與天傾天連塞草晴看從沙上汲翻似海邊生慘淡
開紅燒虛無戀遠明何人把羌管先作月中聲

賈太傅

曠代憐才子經時賦旱雲楚騷兼與恨秦過竟誰聞萬里
乾坤眼三年草木羣蒼生屬相借高論豈徒殷

春晚出郭送溧陽公歸葬江南述感

望到郊門萬古愁歸來城府颯清秋闋人華屋更相待流
涕哀箏併自休陵處可應成下馬路分猶怕近西州川原
便逐東風改會有心期白日留

槐碧幢新舊燕歸不逢家令已成悲難爲東閣重來日堪

憶三朝晏起時

游每晏起公早至齋中就坐牀側論事不責其簡常以比安石梳頭對宣武又公逝

後其第爲太宰劉公之居劉公仍掃舊館待游義所不忍卒謝去

白首青山終一隔滄波

丹旄恨俱移敢辭垂老仍羈賤淚濕生金續蔡碑

作公神道碑銘

一夢從公十載深塞雲關雪換朝陰噓枯地覺無餘恨留

落天疑直至今經共任安終託意早成疏傅欲歸心

先是數公

開府于外有重幣見迎者游以從公竝堅謝聘使游于庚申歲卽勸公乞身歸休尋至乙丑冬爲作奏因決致仕

兩嗟蕭瑟東風外盡與傷春變楚吟

冠劍行看欲就封過門爭感舊時龍人間梓器爲何恨病

後楹書墨尙濃春水帆檣星斗氣晚花賓客雨雲蹤苦爲

怨句裁還得愁對青雲阮仲容

吳越武肅王廟下作

長鯨一劍八百里落雁千都十四州河外赤符終奉漢江

陵玉馬本朝周花開陌上香車杏衣卷山前錦樹秋安得
英雄萬強弩天邊更爲轉濤頭

閨闈

五華城闕九光樓閨闈遙隔世愁把鏡幾曾迴暗虎服
箱從此到牽牛星辰獨傍中宵渴雲雨安知下界休帝所
會應無宋玉白榆凋盡不悲秋

層城

欲倚層城俯八垓手按雲雨轉璇魁終疑上帝難容諫便
恐神仙亦妒才世界古來餘一粟昆明夜半又飛灰思量
惟有人間樂醉看貂蟬向大槐

牡丹

幾夜明薰玉有神翠幃扶起態沈沈難爲不負東風地直

使能移一世心睡去尙愁肌麝重折來猶覺眼波深相看
爭忍旋拋卻一寸斜陽一寸金

送別上人游蜀

上人本儒生一夕忽出家數載後來見卽別去

關門累月不梳頭行脚須臾過趙州已分禪心安白足尙
貪詩句寫紅樓故人好在曇無懺鄉里還呼許散愁地婦
蛾眉從此去定身休作樹中留

秋日西興舊關口登樓眺望浙江感懷

吳胥越絕兩飛蟲何止鼃濤落手中萬井過江丹畫濕大
荒浮海碧蜺空催寒一帽衝新雁橫笛千山入晚風歲歲
勞勞關外客暫偷閒望恨無窮

送謝侍御赴長沙

帳底吹簾夜解圍劍炊刀浙兩危機請來斬馬平陵去看

徧黃羊屬國歸物論清流幾人是書成孤憤舉時非戟髯
強項生平意坐映江山合有輝

曉行

夢闌鶯喚穆陵西驛吏催時雨拂衣行客落花心事別無
端俱趁曉風飛

李錯字鐵君號鴈青漢軍旗人乾隆丙辰舉博學鴻詞

辛未舉經學有曉巢集

秦樹峯曰曉巢集澗然以古炳然以則浸淫乎漢魏
初盛唐諸家而歸宿於少陵其品亮以潔其志宏以
遠其氣靡以平

其詩遂以深

詩話明季將家西麻東李而甯遠職闕尤著父子迭
頌將印陳臥子詩所謂李氏功名猶帶礪斷垣落日
梅雲黃者是也入國朝後其裔猶貴顯鴈青獨不欲
以世祿進隱居盤山自號幽求子又號熊明子杜門
著書經有原易春秋通義史有尚史與石東村永甯
同舉經學望溪爲作二山人傳詩朱絃疏越時存雅

音海峯論選歷朝詩持擇頗嚴而七言古詩錄焉
清之作蓋以其力趨正軌可與入作者之林也

雲岡寺

黃金易銷木易朽卽山作佛佛乃壽
五丁風斤齊琢剖一峯破碎萬象有
四十七尺身獨尊三萬六千日何久
崔浩已死可若何後之君子揚其波

山海關

關路無人雪自消興亡千載一昏朝
島門失勢魚龍震亭障乘秋虎豹驕
白草已埋先軫血青天誰奮伍員潮
可憐萬里緜秦塞不救咸陽赤土焦

鳳皇山

鳳皇山上疊瓊臺絲管年年曲宴開
五國城頭霜夜角朔風辛苦莫吹來

登北極臺

含睇高城接渺茫，飢烏飛噪古臺荒。
沙連秋水寒皋迴，山擁晴雲落日黃。
邊塞關心雙寶劍，朋滿目一空囊。
廿年不偶伶俜影，賓戲真難答省郎。

鯉石行

吾聞東海之鯉能變化，湖山飛越唯須臾。
此石形狀苦神似，往者毋乃真巨魚。
怒目輪囷大於斗，鼓鬚振鬣勢欲走。
倚峽猶飛失水心，衝天直奮吞舟口。
慘澹風雲入顛顛，頓土花石蘚空鱗。
次江湖何日得相忘，螻蟻能無受其制。
陰潭秋雨沈沈急，龍母叫嘯鮫人泣。
君不見朽瓜烏足何太神，解化江魚與胡蝶。

贈李雄李庫兄弟

東髮承恩領邊務長劍劃破陰山霧從行李氏四十人兄
弟今存雄與庫曳杖相逢村樹邊把手殷勤問新故君年
十八今五十人生信如草頭露邊霜如刀割人面猶記當
時逞雄健異身同命走殊域手指墮落心無間卽今垂死
骨髓枯一中秋風肌肉顫語罷淫淫涕如霰不死他時再
相見感之贈以錢一串亦知賤子長貧賤

坐仙人橋望西峯紅樹

白雲之半西峯西秋樹十萬紅錦披紫金交注寶絲網碧
海晴擁珊瑚枝西風泠泠時中之雲漱宛轉清商移采旌
颺雲巫女下豹旗揭兩山鬼嘯枝枝葉葉迎薄寒山僧野
客爭來看關河歲晚金氣肅青帝假爾丹砂顏外方作態
中則病色若可憐心不競山煙欲暝嚴霜飛松柏蕭蕭有

本性

雪後踏雪聽倒影潭水

野雞亂印前溪步
槎牙玉削沙頭樹
芒屨踏雪雪不汙
捷關西南人潭路
羣動蟄伏萬籟暗
飛空激響潭流深
黃鐘大呂方並扣
金奏地下驚欲走
我有深情久相對
青藤杖擊層冰碎
烏鸛鶴白天不移
湛然獨立空明外

題李衛公待渡圖

太原公子方隸軍
藥師卻渡黃河津
津津頭蕭蕭風雪暮
亦是尋常行路人
驚龍怒虎易形似
難畫英雄當此際
常山太華隱欲動
千尺光芒垂至地
短衣長劍寄髣髴
妙處胸中如有物
赤雲敢擊天子氣
黃金待鑄通侯骨
嗚呼丈夫古來抱
奇詭宛轉幾人巖
下死射鉤倘惡晉
公子驍駒又

死鹽車底

古藤歌

葛甥東園餘古藤十年委棄樓陂芳支離不死亦不生根
蟠元氣猶支撐枯條高折兕角禿朽腹半裂魚膏青有時
一花兩花發流蘇倒挂紅絲繩沈精陰脈自得主枯菴不
假春風能一朝移根忽我寄僮父邪許牛車勝白茅用藉
索以約龍胡或見髯鬚鬢雲中飈舉帝子下邱園帛賁微
君行城南沃土買百簣活水遠汲長河清封殖灌溉不遺
力高杉復架藤花棚酌君杯酒慎莫死老夫與若聊相憑

新竹歌

少年日作江南游大竹小竹青滿眼菅茅土苴不足惜樵
父編籬漁作斷薊邱在昔植汶篁不信於今此物罕豐臺

土膏頗潤溼人奪天工尙強勉西施在越了不覺異人寄
趙珍無算青錢一百裁一本琅玕琬琰矜殊產王猷宿好
老不已購之不惜衣裳典鹿車麟麟爲我輦老竹如麻雉
子短晨昏芟剔手自護已療山翁十年懶三月春風冷然
善江煙水色紛蕭散忽然移我三湘遠

焚詩歌爲石東村作

古詩舊說三千篇未必皆是宣尼刪河清菅蒯頗可誦春
秋交聘猶能宣逸而不逸誰則主少者爲貴翻爭傳石君
一旦過我門道腴義勝來驕人生平爲詩不知數告我草
藁今通焚丈夫猛捷貴有斷龍蛻不惜黃金鱗君看笙詩
無一字東氏補之成贅文我聞此論駭卓絕至人之跡神
其滅白賁无咎世莫訐脫身天外窮毫末吁嗟乎君休矣

寶華玉氣恐不死或有人間傳片紙

聞歸雁感賦

畢竟家何處而云北是歸高城殘照下萬里一行飛風急
毋相亂沙寒定有依畸人方失序緣汝淚霑衣

屈復字見心號悔翁又號金粟道人蒲城人乾隆丙辰

舉博學鴻詞不就試有弱水詩集

詩話悔翁本楚系而家於秦足跡半天下豪宕感慨
一寓之詩所作原本漢魏貫串三唐不屑屑依傍他
人門戶卓然成家論者謂
如鸞鳳之音非鸚鵡之語

無端

春染流雲綠芳煙橫高樓蕭蕭征馬鳴浩浩佩吳鉤紅塵
蔽天地江湖萬里游驛路逢婦人流離在崑邱飢寒尙無
濟乃言千歲憂野田花亂開晚風冷於秋無端此一身白

日過人頭

楊司寇在駕寓齋

陸沈愧通識荒謬悖時彥置茲涼炎區卽理鵝鷺賤高軒
一以臨高言飲食棟砌苦延古意眾籟潔庭院艱哉何巍
巍出處蘊深鑑誰能慎所守隆持表獨善月露濯煙埃疎
雨洗河漢因心結素雲驚颺吹不散

過流曲川

子開諸父老云順治六年大同總兵官王承強高有才叛自延安下蒲城二城本前

副戎以恢復愚民壺漿香花但云迎王將軍不知有也明倫堂設思陵位補行喪禮父老白衣冠痛哭舉大宴日不圖今日復觀漢官威儀吳三桂兵至戰於流曲川煙塵蔽日呼聲雷動屋瓦皆震父老意必勝舉酒相賀時王新募皆三邊勁卒衣布衣削髮挺爲兵一擊則人馬俱斃是日吳軍敗諸朝再戰作北散甲馬軍器盈野王士卒爭利陳亂卽縱兵急擊高竟拔營去王大敗走死城中守益力吳圍城不攻親語守者云汝不聞梁晉交兵乎姑降我破果至又降未晚父老始知是三桂

指名面數曰國家何負汝而汝如是言甚毒且俚發大礮擊之幾中吳怒力攻屠之死者十餘萬人康熙丙寅子始經行此川川在邑城西六十里屬富平縣

迴風陷日天如夢流曲川平暮塵湧行人馬嘶古道傍離
離禾黍旌旗動殺氣騰凌古戰場前嘯鶴鶴後鵝鷓降將
雲臺曾未聞三邊俠骨空自香豈知到海涇渭血寒潮不
上天山雪井底蛙聲竟何在十萬游魂哭夜月滿地閒花
落新愁至今河漢皆東流同入蒲城化爲碧仙人掌上芙
蓉色

紅芝驛

流賊李自成追縉紳餉無者悉殺此驛清流之禍將交歸吾偶過其地竊有感焉

紅芝驛前楊柳綠千枝萬枝風謾謾江山謹具追餉時有
身無首當怨誰甯武關頭血成碧金馬玉堂好顏色胸中
甲兵七篇錦能多武功無慙德西山薇蕨留餘香聞說夷

齊下首陽今日春風不忍見桃李花開古道傍東海空蹈
魯連節邊頭枉嚼蘇卿雪淚盡終南猶未傾秦淮煙水漁
陽月

梁園懷古

龍香可尋隔雲蒸紅愁綠慘猶未歇著處晴煙嬾碧蘿盡
日春風叫鷓鴣數株殘柳不勝情野花斑斑照宮闕樂府
新歌一字無黃河流水一朝掘蛇老精靈引虺過寒影荒
地墮秋月

謁楊椒山先生祠

冰玉丰姿尙凜然信都遺廟古城邊每於樂府聞鳴鳳何
似深山哭杜鵑市酒有香行客薦霜威清野曠光圓永陵
宮殿依然在莫載靈旗北過燕

明妃

陰山一去紫臺空環珮何勞怨朔風漢帝六宮春草碧只
今誰在畫圖中

古寺

古寺無僧白晝陰重來淒斷百年心青山不改春風路黃
葉蒼苔一尺深

寺宿

西風滿天夜古寺水雲間松際露新月窗中堆亂山詩書
無佛果鐘磬向人間獨坐寒窗下樊川一雁還

廬幕圖

湘江白雲流寸草心何有結茅傍青山苔痕化三秀白雲
日以遠松柏日以茂靈芝日以榮歲月忽已久歲月忽已

久遺書猶在手鬱鬱松柏枝上巢慈烏白慈烏繞隴嗚人
靜葉花厚此圖卽蓼莪老淚穿衣袖

查禮原名爲禮又名學禮字恂叔號儉堂一號鐵橋宛

平人乾隆丙辰舉博學鴻詞由戶部主事官至湖南

巡撫有銅鼓書堂遺藁

詩話儉堂爲蓮坡弟年十五卽以能詩名從其兄讀
書水西莊與海內名宿尊酒唱酬其少作類皆清新
婉約出自性靈服官後之作才氣駭發蔣心餘懷恂
叔詩有云瘴鄉三十年鑄詩遍巖壑又題榕巢圖有
云山川幾處借雕鑄木石居然無廢棄
蓋詩以境殊非復吟風弄月之舊矣

上巳同劉紫仙吳中林趙端人汪西顥萬循初胡文

錫登稽古寺藏經閣晚過水西莊飲攬翠軒

清風徐來遲日妍絳桃初發花欲然城西草色綠如翦迷
離遮斷陌與阡一抹青煙繡平野超塵域近同駐馬雜樹

蒙茸積翠陰慈雲朵朵垂檐下傑閣巍巍碧漢高
窺萬戶明秋毫鈴聲滿耳眾籟寂市近未覺人喧嘈
梵宇重重耀白日莊嚴百寶魚鱗密世界憑誰悟
大千吾徒數備竹林七粵稽白馬止鴻臚寺名
從此屬浮屠度人何止鹿羊車圓通自有智慧珠
水西另闢清幽境賓從往往轄投井酒中仙惡醉
逃禪長齋之客緣未請當筵又見日西斜分杯插羽
飛流霞與酣各趁婆娑舞聽我長歌且勿譁君不見
河水金人爭掌故蘭亭遺蹟空山路往事多聞虞哲
爭盛名只有孫王序何如痛飲青絲瓶高談兀傲
傾平生燭花如豆當花照未許城門報一更

人日過周月東卜硯山房觀鄭篋八分小篆册子用

杜少陵李潮八分小篆歌韻

春莫初報布七葉春冰漸薄如秋雲盡說今年春暖早疎
梅已報香三分呼朋共走卜硯宅主人好古徵博聞叢聚
蟲書似蝌蚪眼明贗本留其真就中篆隸擅造化夜應泣
鬼晝駭神開函已識谷口筆徐觀愈覺心魂親想當揮灑
日特立無與鄰風流既往不復得至今縑帛思其人近來
嗜好多皮相燕瘦環肥異趨向莫如吾友衡鑒精是否加
之項誰強直沽水黑孰竝肩朱大導江墨蹟壯二子風力
威豪宕與鄭誠堪稱輩行斜陽忽在戶飲酒還高歌歌成
聊復就君問問我詩中意如何

紫丁香花歌爲杭大宗編修賦

春陽作暄花事穠萬卉爭光鬪嬌嫵媽紅姹紫紛陸離如
火如荼塞亭園就中丁香尤麗都李俗桃輕迴難伍我家

結廬城南鄉曠者宜田與宜宇茲花開日春正妍不惜樽
罍醉簫鼓今年春作城中游軋軋雙輪碾塵土臨風招悵
歸去遲竊恐飛英落如雨松吹先生我故人庭有名花恰
當戶登堂靜對娟娟容彷彿南鄉花乍吐高枝似曼紫玉
煙低影還如紫雲舞柔肌纖骨不勝扶細眼明眸疑欲語
蒙茸亂蘂笑紫荊更比紫薇重難舉羨君深院金屋同貯
此娉婷十三女看花有客昨朝來聞道吟聲滿環堵惜哉
良會小差池未及花前倒清酌繁華盡逐風波流已去韶
九喚誰補先生高致超尋常一室從容考今古晨昏坐臥
清香生身與名花合稱主此花自昔少留題喜見詩成羣
玉府牀頭如輯種樹書應採瑤章入花譜

春夜曲和心穀伯兄

凝香不散重簾靜簾外縱橫聚花影薄寒猶解翦紅衣一
曲珊瑚鉤正冷隔院微聞絃索鳴嘈嘈切切遠含情美人
自學翻新調不作當時子夜聲光陰荏苒如飛電海水東
流無日轉遵渚初傳歸塞鴻雕梁又欲棲吳燕棲吳燕春
將晚庭下殘紅吹漸滿秉燭狂游惜歲華露華浸透羅衫
短何處清歌聲未已蓮花杓小傾芳醴更籌幾換嗁烏起
月落西南淡如水

中元登海光寺樓寫望同張鴻齋汪西顥陳江皋萬
循初分賦得八庚

暑退涼初至登樓客思清魚簾橋外密稻隴寺前平雲起
連潮色風過帶磬聲佛香吹不斷斜日射孤城

雪中丁字沽待渡

角飛城外雪正飛
丁字沽邊人渡稀
遙天一望寒雲白
村矮屋藏煙
扉尋梅獨向雪中走
呼渡不來空袖手
憑誰寫我待渡圖
戴笠披蓑臨渡口
凍柳棲鴉叫不休
滔滔河水雜冰流
酸風刺面吹愈急
隔岸漁簪帶雪收

春夜苔花館聽楊天益彈琴

戚戚復戚戚
空階夜岑寂
山人抱琴同
月來月光入戶琴聲哀
起如十二峯頭雲乍散
孤猿三叫悲腸斷
止如十八灘頭水潺湲
落雁一聲念離羣
我琴無絃桐梓綠
化作孤生嶰谷竹
感君慰我良宵愁
更奏人間離別曲
吁嗟乎山人爾
琴誠太悲慎勿再彈
烏夜嘯慎勿再彈
雉朝飛

雨後游王氏懺園

溼雲涌西山
薄晚蒼翠隔麗街
秋雨疎雨止日未夕
言尋

槐市園蹠振瘦策入門見頽垣斜照在瓦礫蟬聲斷續
長樹影參差碧徑草欲齊肩苔痕沒高屐孤亭一徙倚涼
思滿蘿薜自足滌煩襟誰信炎暑赫微風動絺衣喬木感
鱗昔舊慕辟疆名今慚子敬跡

曉出茂州北門歷雙溪口陟土地嶺

曉出茂郡城亂山時屏障沙徑多轉折東指復北向山脚
匯雙流石漱桃花浪緣溪策馬行登陟窮怪狀迢迢嶺路
遙竹青徧山放寒翠吐晴煙渺似春陰釀盤旋到嶺頭孤
雲低可傍回首見九峯雪朗神氣王地僻少人過振衣獨
俯仰嘯聲落虛空興逸心逾曠

鳳雪中過小直固山

上下幾千尋盤旋數十里人行向雲端馬行在雪裏不識

山徑高惟見寒光起長林白滿溝空谷響凍水糧夫最屬
來如蟻轉磨齒俯驚萬丈阨一墮駭無底我方仗輿丁兩
肩託生死皇天本大慈兵事會當止

為願備九孝廉寄題補溪芙蓉莊

芙蓉莊有明願樹

常熟補溪西三里補溪在虞山之東四十里平橋
曲水絕類輞川繞隄叢植芙蓉故以芙蓉名莊松
菴為宋處士願細翁六世孫由烏程簿遷雲和令
以平處州劇盜有功遂擢守處州未任卒莊有紅
豆樹結子名相思子為細翁手植樹旁立翁祠明
末莊歸某尚書繼復歸願氏今孝廉備九松菴裔
也孫

涉江未采江南香長歌為詠芙蓉莊芙蓉莊新梅里古遠
隔春申黃歇墅虞山東去補溪西客來問花先訪溪污泥
木染波如劃君家世世原清白陽冰作吏在縉雲君家鄰
縣稱神君劇盜就誅同斬草御史書功上上考一麾出守

卽本州惜哉未展平生籌流傳別業重鄉里一樹相思常
結子祠堂霜露薦蘋蘩平泉偶築尙書園尙書詩編紅豆
集不記誰種鸚鵡粒轉電光陰感歲華芙蓉仍作故園花
折花笑問芙蓉主花譜何如治縣譜

家立功姪過陶然亭看雪

雪聲一夜鳴天籟雪滿城中復城外曉風嘶馬入城行暮
出城門雪未晴諸公好事耽吟興同上危亭尋曲徑後來
笑我登臨遲不知晚景看尤奇松林何冉冉寒鴉飛點點
茅屋何斜斜寒犬吠家家微茫略識西山岫倚檻蕭蕭籠
兩袖爲問圍鑪煮雪人何如載酒雪中逗

是日李向叔家
堯卿竝畏寒不

至雪光浮白夜色催琉璃地照琉璃杯陶然亭卽無垢國

遠勝羅浮萬樹梅

贈王崑霞道士

曾住齊雲第幾峯何年北上寄游蹤名從白社吟中得謂金

臺倡和集人在黃花冷處逢垂老心情同野鶴未衰筋力付孤

筇一囊斜挂秋風裏徧踏天涯訪赤松

金川歸化恭紀一百韻

岷山西番夷接壤大金川其

官近歲乃侵軼鄰番負其險阻梗化不悛乾隆戊

辰冬上命上相經略之翦其黨與番酋震懼乞降

遂班師也初因蜀塞用兵滇黔諸郡吏多調事軍

需臣禮曾以戶曹郎發滇襄事旋因秦凱停往隨

改粵西郡丞竊以日視清晏之祥躬際昇

平之化敬陳百韻聊代擊壤之歌云爾

帝德恢無外皇慈格有苗山高憑箭定詩美詠弓昭卉服

齊通禹垂裳盡仰堯禮成行禰禡樂奏制咸韶勳業垂青

汗聲靈怒赤標信知憐趨兔不僅變飛鴉隴蜀疆隅廣西

南險阻饒微盧周代助邛笮漢時朝羌夔長馳後羈縻歷

世遙民風徵象譯使節遣星輶玉壘森千嶂金川渺一嶠
子來曾號赤蟲細合名么錄耳斑衣倩雕題翠髮影從征
爰共執受職寵仍邀居逸偏多戾潛深敢自驕鄰邦兼狎
侮接壤遂攻剽戢戢蟻緣介遠遼犬走焱逋逃甘聚藪烽
燧漫侵宵化外難文告安邊戒動搖我思和以劑彼病渴
於瘠喁險圍應頓巢危焚必焦徵兵掃蟻蠊分將靖僬僥
尙爾矜超距居然扞采樵窮魚誇撥刺首鼠恃踣跳堅守
騰飢虎煩謀聚沸蜩老師空擐甲曠日但鳴刁聖武殷甯
字軍威重建標合符士盡厲設旒騎皆驍上相懷孤憤中
誠冠百僚請行初日皎承命北風颺華轂皇躬擁芳羹御
手調百壺樽溢蟻三錫劍裝珧端拱臨軒檻精禋告廟祧
陸辭温似纒旆出疾如飈師保咸攀柳天潢亦駐鑣共期

歸轡速早慶寒氛消皇驛征無滯河塹度更遼計程煙杏
杏冒冷雪濼濼燕嶺纔前夜秦關又詰朝奔馳勒任絕章
奏燭頻銷眷遇交中使精勤勵後凋甘分廚下膳俊賜射
前鵬慰問勞俱忘都俞福共徵休光誠藹吉佳氣自清滲
叱馭凌千仞連營遠七橋需糧遲木馬涉水棄泥橈石磴
牽修綆皮船勝小船寒峯指孛孛霜氣淨炎歊中鵠須穿
目呼盧在得鼻貪狼徒肆狡文雉敢呈嬌駢首姦同戮傾
心眾不鬱懸旌遮夕照飛礮震雲霄喻害蝨皆賊如耘葦
是穠訴哀身願縛乞命語維曉將令宣乘銳軍心誓啗妖
墨痕浮盾鼻鳴響急弓彌天子恩真湛東風律轉條有嗟
崑玉虛不尙血流漂一面開羅網連村保領腰惠方周骨
體澤已徧天喬懋賞桓圭搢崇猷驚冕超勳宜休鬯秬棨

豈藉房椒瑞靄林開霧歎聲谷應潮連營環帶嶮猛帥越
岩堯顧盼今通道周巡昨戰碣怪形驅魍魎醜類遁山魈
壇建階墀築門開綵繡飄蛇行股竝栗塵伏首微翹六事
嚴銅柱三章重斗杓感深顙屢搯悔極淚如澆表赤呈金
賚杼丹奉玉瑤論功彰赫濯御餽恤荒要稚女眉初黛童
男髮尙髻立祠同社祭供佛比僧寮壁壘遠巡撤籓籬次
第燒比鄰安故堵率士息征徭豹變開戎索鶴鳴返革輦
依依循柳色款款踏蘭苕郊社虔邊豆園陵肅血膏成平
深瘞玉峻極烈焚蕭盛事奎章製豐碑翠石雕焜煌垂有
倬惕厲示無挑錫燕羅彝竽陪筵集珥貂鷹揚徵舞蹈魚
藻寓笳簫大賚周師集臚歡舜舞招卽今歌宴宴在昔夢
迢迢撻伐高湯武謙沖過妣姚乾宮純孝備慈聖德輝昭

奉冊親呈表開筵后拂瑜珩璜和殿幕絨綬映庭燎憶昨
勤輸輓征車挂飲瓢風塵晨共發亭解夜堪僑聚米看山
勢羣官用部挑掄材及檇櫟采論愧芻蕘郎署旋辭度滇
池擬駕輜從征期慷慨同隊逐飄飄奏凱尋由蜀微臣改
渡瀟待聽湘水瑟爲鼓楚江橈詩思惟追柳居民竝治猗
長歌懷北闕擊壤比風謠

采葛行

山頭種葛葛葉長山花落水溪流黃烏髻紅衫腳不襪蠻
家少女面如月手裏鉤刀一尺橫截來織葛春雲輕爲郎
作絲爲郎織衣成淨比秋霜色秋霜色春雲姿吳綾蜀錦
知多少不及羅浮葛稱時

海陽山湘灘水源歌

我昔讀水經曾究湘灘流源出始安縣陽海山之脈涓涓
始一脈觴泛乃爲舟盤盪導東北水分西嶺頭咫尺同源
異千里北曰湘水南灘水湘過巴邱入於江灘至蒼梧注
鬱止灘流水弱湘流強爲溯狂波築鏹背刊鑿靈渠萬世
功誰其作者秦臣史渠開水似天河傾因功謀利費經營
續設陡門三十六隄埽壩蓄如屯兵往來自此邀其惠楚
粵舟航咸利濟人工不若天生成安得移山重疊砌乾隆
甲戌九月秋上公撫字憂民憂羽書絡繹檄余往相度刻
日工須鳩裹糧策馬走山麓先事窮源後修築興安境盡
入靈川攀葛捫蘿歷幽谷一山突起矗大荒石骨嶙峋百
丈強四圍無嶂亦無岫居民指此卽海陽山脚嵌空挂鐘
乳下有清泉巖口吐把火直入山腹中目擊潭光徹水府

神奸物怪不可求陰森氣逼聲颼颼然犀我恐幽明別
寶豈堪人久留出巖叢棘鉤衣裂老樹古藤懸幟幟披尋
石壁獲二碑薛蝕苔侵色似鐵摩挲漫讀馬陳文字蹟端
道釵腳分速呼童子扣墨本天風颯颯飄秋雲嗚呼煙霞
我固有深癖抉祕搜奇無虛夕湘灘於此結奇緣作歌記
事鐫諸石

乳洞

臨源城西南山阜連峇峇十里村塢幽所厯如有獲乳洞
最稱奇理我雙蠟屐步近玉溪橋耳根瀉瀟澗洞門敞而
圓鍾乳垂累百左右兩徑通中抱一泓碧泓水生巨潭潭
光射千尺冬夏不涸流綠淨浮鮮鯽二橋接方壇壇平堪
布席濯足俯清泉恐擾蛟龍宅憑眺豁雙眸浩蕩拓胸膈

萬象皆澄空身若與凡隔洞尾石成田仙蹟開阡陌惟當
種石芝灌之以石液巖口多摩崖年深苔蘚積我固好事
者古人亦同癖歲月易云遷對景悲過客搜剔石湖句徘徊
徊感今昔出洞復入洞磴道陡且窄雲氣冷逼人滃鬱沾
衣白最高洞腹廣陽崖當戶圻披榛拾級登煙霞樓亂石
山下藏花宮森森圍翠柏紺壁沿深礪軒窗倍靜僻暝色
澹遙岑鳥歸送日夕秋風振疎林落葉聲策策

登鼇背山塔

峨峨鼇背山突兀江心峙浮圖插其巔直向雲霄起放舟
泊山根黛色落秋水磴道盤巉巖天風忽可倚獨立斤流
中孤標瘴煙裏驚濤撼不動鼇足入地底俯聽猿嘯哀低
看飛鳥止遙睇壺城閒蒼茫暮色紫旋轉礙雲過望望窮

千里巍然南天南萬古青無已

桃花口望西淀

裊娜春林煙吹青入河柳我乘桃花風又到桃花口縈迴
西淀水一鏡映馬首啞啞歸塞鴻斷續落蘆葦微茫見漁
艇遙羨煙波友青莎閒白蘋垂釣且飲酒西沽看漸近去
夏憶分手別來半載餘相隔殊已久奔波慚淵渟蓬轉愧
株守何當租沙田於焉種菱藕

張鳳孫字少儀江南華亭人副貢乾隆丙辰舉博學鴻

詞辛未舉經學歷官雲南糧儲道有柏香書屋詩鈔

詩話少儀爲諸生時其尊人蒯戍軍臺徒步入都爲
父贖罪一時有三子之稱蓋云公子才子孝子也

儉堂餉水西莊紅菱走筆奉謝

江南六月看採菱荷衣雪腕輕橈憑錦帆涇裏掉煙入滿

身風露寒凌兢曼歌一聲蟾魄上紫莖綠葉牽朱繩十年
書劍去鄉國鴛鴦舊夢空飛騰直沽旅食又長夏消渴不
耐炎煇蒸水西主人辱存問側生五十筠籃承清香撲人
光照眼奚奴觸手愁霜稜鶴留仙頂鸚爪細一彎茜影湘
波凌玫瑰輕摩水仙佩玉膚映徹冰壺冰吳儂得此乃狂
喜傳箋徧集諸賓朋古瓷擎出佐清讌涼飈淨掃窺盤蠅
滄洲法釀瀉百斛靈池故實還同徵都忘蹤迹滯燕土但
覺塵翳消胸膺哀梨縹李世豔稱蔗漿櫻實瓊筵登獨遺
此品在煙水邈如釣瀨逃嚴陵天涯相賞有知己不辭千
里扁舟乘孤根近託藕香榭白蘋掩映溪流澄芳鮮只供
騷客嗜聲價豈要皇都增尊前一笑苑舊識領略風味當
年曾願攜巾拂坐風檻嬌紅婉翠圍千層吳歛渺綿吳語

輒卜夜更命張華燈酒酣潑墨進吳諺春蚓十丈書枯藤

永定河紀事

桑乾水方枯劣於一衣帶奔騰伏秋交淼若江河大土疏
既善崩沙重復難汰俯仰百歲中經涂幾茫茫昧廟慮日夕
紆詢謀集冠蓋往因橫決勢順導隄防外南村治網罟北
堡載耨耒水土無全功居人半利害安流近三稔適與時
運會慎初保厥終庶幾神永賚

河伯偶失馭威靈竊長鯨掀泥作波浪所過溝塍平方舟
或乘屋木末有聚萍嗟哉蕩析人扶老提孩嬰片席挂隄
柳巢居苟支撐遮道敢前訴顧畏吏怒瞠棄地昔有合謂
無與水爭下愚性不移自與禍患并茫茫九州土那無尺
寸耕河壩墾汗萊歲戀官租輕頓忘爲魚慮九死幸一生

願今服驅遣勿待二麥成

泉水已出山甯復論清濁生爲渾河官違問泥塗辱荒廨
八九楹中宵忽顛覆婦孺出倉皇陂田立如鵠官作有嚴
程胡能顧骨肉平時緩綢繆臨事苦督促畚畝敢後期薪
芻奈弗屬弗屬葦代之急以竟此局天意未可知波濤日
洄復慷慨慕前賢危隄不轉足千金未易償一死猶可贖
功名蝸角微甯忍付蠻觸

沈彤字冠雲一字果堂吳江人諸生乾隆丙辰舉博學鴻詞有果堂集

詩話冠雲生有至性親歿三年不茹葷不內寢潛心
經學所著周官祿田考精密淹通於鄭賈注疏後可
云特出初從何義門游繼游儀封秦緒格江樓揚文
定之門中歲善方望溪精研三禮以與修一統志授
官朱

就

幽蘭爲儀封先生作

幽蘭發空谷蔚爲王者香
香風滿四野素姿凝清光
脈脈含深情獨立遺眾芳
何堪蕭與艾結交當道旁
蕭艾滋露華幽蘭羅嚴霜
光風一以轉採採充佩纒

贈陳諒直

陳子我畏友豪邁見天性
弱冠同門牆才調便縱橫
讀書具隻眼穿穴契賢聖
上下三千年羣史歸心鏡
暇時對朋好清風生塵柄
往復期切劇古道人所敬
晚來慕修養萬象歸一靜
陶冶無故氣清心玉壺映
當年抱朴子寡欲保妙命
丹井一以洗雙燕往來輕
自歎老更拙未脫人間窳
對子一披襟流輩徒偃偃

贈陳和叔

大鵬負青天，斥鷃笑不置。飢驥馳千里，駑駘飽還伎。吾友
湖海豪，自少懷遠志。讀書鄙訓詁，往往通大義。論史尤縱
橫，卓識拔前幟。愁絕梁父吟，管樂常擬議。高才肯折節，傲
骨取時忌。長安初同徵，嗜好與俗異。西山賦崔嵬，南國空
返轡。只今還落拓，遊覽頗恣肆。跌蕩公卿間，不合輒掉臂。
男兒志垂名，區區那足計。寂寞勤著書，豈爲覆瓿事。何代
無英雄，窮達等遊戲。

釣魚歌題凌支南真

愛釣非愛魚，無魚心已足。閑把一竿行，迴塘汎秋綠。

秋日呈靈臯先生

不奈秋寒乍，中人暖風噓。拂坐生春品，評自到丹青。地車
馬都勞侍，從臣壯歲儒。衣愁耐跡，今朝彩筆喜通神。浩歌

京邑誰知己惟有宗工許卜鄰

南陽郊外看梅花

我有梅花癖郡齋迺無梅聞說東郊外一株橫水隈驅馬
行十里見此繁花開薰日覺香暖藉草因銜杯憶我江鄉
游到處花皚皚春風起山谷香氣氤氳來月出寒光滋吟
賞猶徘徊勝事今豈得聊慰飢渴懷

陳黃中字和叔吳縣人諸生乾隆丙辰舉博學鴻詞有

東莊遺集

彭尺木曰先生自少通敏爲學長於史深究前代治
亂往復所由以達於當世之務詞科被黜乃縱游南
臨洞庭登衡山東浮錢塘入閩北馳驅燕齊河岱間
年四十餘杜門著書無僭石儲居嘗恨宋史蕪雜是
非混失平則發奮刪其繁累撮其精而宋史先正舊聞折
其冲成宋史彙一百七十卷又著蘇唐書刊讀三卷
國朝諡法考三卷殿閣部院年表
大卷督撫年表六卷詩文集四卷

詩話和叔爲海甯陳文簡所薦訪以時政爲陳用人
理財武備三事用人之日十日加俸日汰冗日寬法網日
主日重名節日辨邪正日加俸日汰冗日寬法網日
覈名實日懲貪日酌道里以銓選財用之日六日定
旗制日權錢幣日與西北之水利日輕征權日減漕
粟日定鹽政武備之日六日謹邊防日嚴海禁日練
士兵日修軍器日簡帥臣日加月餉日二十篇今
惟水利邊防練兵養兵四議存其上文簡書槩括大
略語多切至彭尺木爲編集時有所諱忌輒空其行
格至不可讀又與王次山侍御一書亦如是也父景
雲字少章博聞彊識以儒術名吳中和叔輯遺著爲
文道十書已刻者綱目訂談四卷韓集點勘四卷通
鑑胡注舉正一卷紀元要略二卷王蘭泉言和叔詩
不多作尺木收而刻之未爲完本見其在長沙作五
言排律六麻一
百韻已失之矣

夜泊黃河口

永夜河聲壯扁舟客思孤山川雄兩戒漕粟擁千艦明月
中流湧鷗鷺隔岸呼一生江海意對此獨踟躕

西師

西師久屯逆胡殘詔語春溫湯網寬已有張騫通大夏不
勞介子斬樓蘭庭犁青海空傳箭臂斷陰山更築壇長愧
菰蘆無遠略賈生三表笑酸寒

程廷祚原名默字縣莊號青溪上元人諸生乾隆丙辰

舉博學鴻詞己巳舉經學有岫雲閣詩鈔

詩話縣莊深於經學兼綜漢宋一名一物剖析貫串
求其精義惜抱序其書至爲推重兩被徵書皆未遇
避遠機貴人尤高之詩華
實並茂不類經生家言

贈顧進士復初

憲廟昔臨御恩波覃八極渙汗其大號邱園交束帛維時
承平久化成邁往昔里巷聞絃歌窮陬務修飭聞命各戒
裝爭先赴上國儒冠旣峩峩征車復奕奕或懷隨侯珠或
握荆山璧或披蘭若新或掣滄海碧鳴佩集丹陛心情接

虹霓就中星斗寒鉅儒出無錫讀書破萬卷性同杜氏癖
著述窮歲年鑽研入無隙宣尼生周季仰窺王迹熄然後
作春秋萬古垂法式筆削見是非義存三代直當時游夏
輩欲贊空太息如何後世人無端奮私臆邱明見國史事
實頗能核傳會雖有時網羅著勞績齊魯多陋儒厥惟高
與赤鄒夾未有書莫由問得失三家遂鼎峙左氏仍後植
自茲口說騰聖經嗟晦蝕功令尊胡氏學子守之墨首先
革周正先聖甯蹙額一衷復一貶譴張令人惑褒貶本所
無安用常啣啣忍使日月光蔽虧重雲黑先生蹙然興掃
除不遺力百家咸披靡似用大師克煌煌大事表卷軸日
盈積發憤闢闢文塵埃教蕩滌曲說從此廢禾稼驅螟虺
上則考天時殷勤補長厯下則綜形勢聚米圖疆域僭禮

與敗度亂賊暨戎翟事事關大義臚列各就職載觀交兵
篇往來正如織旌旗猶在眼開卷若憑軾晉楚爭夏盟宋
鄭困行役向戌忽弭兵難免司城責五材民並用戒懼存
法則霸統經再變王猷竟永塞人欲日橫流瞻烏更誰適
竊取有深意肯令鯁生識君書出雖晚重到杏壇側鐘磬
鏗然鳴清音動四壁憶昔鴻詞徵余亦預末席客居郊壇
西頗愛厥境僻涼風下庭梧朝昏玩義畫冥會待懸解忽
然塵慮釋與君偕罷歸十載臥泉石著書曩未成今也喜
大獲假合留青瑣茲業諒俱寂深荷皇天慈慨然增感激

武林懷古

一自休兵國怨除君王酣醉九重居雲開鳳嶺笙歌滿夢
冷龍城驛使疎海日忽驚官漏盡春潮猶笑將壇虛誰知

立馬吳山客不惜千金買諫書

馬日琯字秋玉號嶢谷祁門人乾隆丙辰舉博學鴻詞

有沙河逸老集

詩話嶢谷與弟半棧以業嵯居邢上尚風雅廣交游
家有小玲瓏山館藏書最富與枕堇浦厲太鴻陳授
衣姚玉菽諸君爲友枕能既深錯席
相益詩蕭閒澹遠雅與諸君相近

題方邴鶴琴鶴送秋圖

一聲鶴唳沈寥天坐對高空思渺然試向孤亭彈別調白

雲黃葉滿山前

輓許卯君

十上知稀一哭回文窮翻合此身推空餘秋卷搜行篋那
復春卿解拾才淪沒已無仙桂分淒涼贏得酒壚衰不辭
雪涕爲君語及第由來慰夜臺

追涼示四弟半查

追涼到處與兄連，竹榻生衣尙宛然。覆局每當疎雨後，論書多在晚風前。丹鉛手勘留三傳，茶荈孤傾已十年。今夜臺應太息，謝家羣從總華顛。

霍家橋道中和竹町韻

車鳴十五里南郭，且閒尋冷翠風前。亂古香雲外，侵人因吟秀句天。爲寫寒林更待來，朝雪平田一尺深。

擬復竹西亭和泮江太史

邗溝東畔竹西亭，歲歲尋游感廢興。細雨斜廊還有井，夕陽秋寺欲無僧。幾時碧玉圍千箇，依舊紅欄覆兩層。收取江南煙樹色，蒼茫祇借一枝藤。

馬曰璐字佩兮號半槎祁門人乾隆丙辰舉博學鴻詞

有南齋集

詩話半槎家藏朱碧山銀槎飲僅及其半遂以自號藏書好客與其兄齋名

半山看桃花

山光燄燄映明霞燕子低飛掠酒家紅影倒溪流不去始知春水戀桃花

七夕泝江太史招集篠園

暑氣消殘露氣浮晚涼高樹繫輕舟荷承翠雨虛亭靜月挂微雲水閣秋天上佳期無別緒人生清味是同游杯深不覺憑欄久河影星光共一樓

易宗瀛字公仙號島民湘鄉人乾隆丙辰舉博學鴻詞
官浙江鹽大使有翠濤書屋集

詩話公仙及其弟公申皆客慎靖郡王邸丙辰舉大科未入選紫瓊集中有送公仙詩句云揚州遠在天

之涯悲君萬里不還家蓋公仙仍還
越中故官故又以白首爲郎相況也

舟過銅官渚

老杜題詩處今來一棹過曉山紅不定秋水澹初波浪跡
愁鷗鷺高吟記薜蘿布帆風正便回首白雲多

紫荆道中

四圍山色裏徑踏亂流分藜杖閒黃叟松聲冷綠雲高煙
雙鳥沒落日一人耕解悟林泉意幽光肅聽聞

易宗浚字公申號實庵湘鄉人監生乾隆丙辰舉博學

鴻詞有半霞樓詩集

詩話丙辰大科湖南應徵者十三人善化劉世澍
澤武陵陳長鎮胡期頤甯鄧王文清常甯段梧生巴
陵許伯政華容王元祜陽鄧獻璋陳世賢世清
及易氏兄弟視己未僅王山長一人相去遠矣

軍山晚望

拾級窮山頂登臨俯大荒江流日浩蕩煙樹晚微茫棲鳥
投深靄歸舟爭夕陽振衣還一嘯餘韻落高岡

慎邸賜詩送行恭和留別

五載王門久曳裾草茅筆札愧相如擊銅東閣朝分韻翦
燭西堂夜校書儉腹每虛前席問菲材多負築臺居瀕行
尙訂春初約多恐疏慵賦遂初

陳景中字又方號橘洲漢軍旗人官同知乾隆丙辰舉
博學鴻詞

雨後西山晚發

疏雨過空山涼風吹路乾草深人蹟亂春嫩馬蹶寒萬戶
炊煙動一鞭雲影殘逶迤東望處日色滿長安

經王氏故居

零落山陰宅經過感昔游
雨荒春草亂風散野雲流
十五年來事淒涼夢不休
無端新燕子猶上故時樓

晚晴移詩匯卷七十二終